



先父提刑性簡易嗜學問自蜀
來雪盡得盛世文獻之傳
先光祿存齋翁清忠大節重一
世公在侍旁贊助居多人謂存
齋有子矣紹德嗣志駁歷踰二
紀所至以廉靖仁厚稱理宗訓
辭有曰爾名臣之子漢人所稱
家之珍寶國之英俊者也至元

丙子即杜門隱居凡三十六年
年八十五以終公少年為文搯
筆立就若不經意而有過人者
子弟為置稿輒笑裂去晚歲筆
力益勁南北學者皆師尊之達
官鉅人嚮慕拜謁求文訓者相
屬於門文益富於壯作而應復
宦遊四方且留京師又不獲抄

錄深惧泯軼無以承先緒近數
年來得官吳會間始遂悉心裒
輯僅若干卷十未及其一焉應
復所知如靜軒閣平章先世墓
銘雪樓程承旨藏書樓記雪樓
記士瞻張左丞共山書院記三
省堂記等作皆未得本姑集其
已得者類成二十有四卷敢錄

諸梓侯有所得尚續刊之
至順辛未八月朔旦男承事郎
浙東道宣慰使司都之帥府都
事應復百拜謹識

陵陽先生集目錄

第一卷

古詩五言

東野平陵圖

趙春谷約遊北山次陳本齋韻

擬東坡九日和澗明貧士之首

和鄭漁莊救燕

題澗明圖并序

牟 獻



獻之



男應復 編



九日并序

簡趙子昂

和趙子陵閑居十首

米元暉山水

十月望能靜飲海棠花下索賦走筆一咲

羅漢臣拄笏亭

文本心叅政約遊西山分韻得頂字

送姚子敬

題張老山從好堂

十日菊為子昂壽

用韻謝戚子雲

別西崑使君

和德清簿會魯郊七十一吟

錢潛岡南提舉

栢生兩石間寄倪栢山

送洪竹堂

贈姜醫

贈日者薛東湖

第二卷

古詩五言

和德問弟苦雨

和無逸子敬姥獨山

和善之游龜溪乾元寺

和善之游法華

真隱詩

俞好問又號菊庄為賦教語

借昌黎人日城南詩韻謝鄉曲見過

李千秋訪教語代謝

宣和御画紫芥

岳君舉用東陽釀酒

德清孫氏和樂秀明堂

贈俞月山

送唐同知

適安齋

次韻程晉輔

用仲寔中秋詩韻

同賦開元宮避暑詩

次韻秋夜

送家自昭長慈湖

贈陳一齋

送王仲敏長明道

和馬侯游何山

送呂錫入閩省觀

聚星堂并序

史彥明致樂堂

次史德茂韻示諸孫

借澗明詩運暮春篇

再和

第三卷

古詩七言

長江圖

山水圖

鳳凰山澗石圖

題洪崖先生出市圖

王維畫孟浩然騎驢圖

和王寅甫御史游南山

送陳正德教諭常熟

楊求仁遊何道山漫題韻

和顧伯玉陳朝檜

寄閻靜齋徐容齋二學士代人作

善之入雪蘭皋置酒紀坐中事

倒撐魚船上灘圖

趙石心詩

贈劉心月

送陳正德長慈湖并序

題喊泉亭

再和楊求仁韻

律詩五言

和孟能靜總管西庄九日閑居見招

和張氏合族詩

和梅君遇退閑

贈厲白雲上人

羣羊踏菜畦戲作

次韻八咏樓

贈葉一山

題詩禪方丈

次韻仲寔五首

荅術者

送吳古村入越

次韻寄衛山齋

送周東甫教授餘干并叙

次韻雨中

水村圖

第四卷

律詩七言

勸農日漫成

次韻謝張教刻先人所被理宗宸筆首

荷花次韻

和張教兩詩

試院和李提管韻

和韻別無黨

次韻無黨留別

和劉朔齋海棠

和善之寄游何道二山二首

送李仲賓同知

七兒應復同客飲櫻桃園摘新歸以遺

親用其韻識

次韻王寅甫

和陳無逸九日二首

和張老山辭免運司

和李侯九日二首

賀張老山得代

別趙子昂

送蕭子中

春雪

送羅漢臣

過洞庭山書湖中所見

送趙蘭皋教授杭學

送鄭南仲主簿

題用拙齋

曩在長沙有遺以石山今歸之漁庄

錢留忠齋丞相并序

和劉會孟

和虛谷韻簡唐月心

餞陳正則學錄長城

再和虛谷韻

和梅君遇二首

高賢孺厚齋使君之子來雪訪舊

和王梅泉黃靜齋載酒問花

雨中正月十五日示諸兒

十六日謝郡官兩學及鄉里朋友

十七日謝趙子昂孟能靜及諸親友

送揚興府

大雪後得雪二首

再和

三用韻

四用韻

道士號庭梅為賦此

送張劄甫廣德學正

十一月朔冬至

餞俞好問入燕

和徐容齋正旦

和趙景程提舉見招

再用韻蓋座上有九老綉障

次韻本齋二首

十月海棠次韻

次韻除日聞鵲

送鄧善之

送人赴軍興教授

第五卷

律詩七言

次韻李千秋中秋

癸卯人日送千秋還杭

失題

丙辰元旦立春

和任東津山長

和汴教野律伯明

新城羅氏棟華堂

寄昌化孫梅泉

文性之惠蛤蚧綠橘

送李雲在學錄

次韻九日寄史推

次韻寄史彥明

荅朱薌林見寄

次韻李候喜雨

謝李侯枉過

長兒館杭閏秋十四日會於復軒

和陳無逸木樨

和秋興

黃元靜飲客蒲蓮海中殊勝絕

次姚子敬韻簡高司丞

王梅泉生日惠詩次韻荅之

白賁

次韻

送程晉輔長和靖

寄趙君寔宣慰一首

孤雁

贈陳東洲

題陸起潛皆山樓

送屠存博教授溧水

送彰南俞教諭歸里

題德範弟三香圖

次韻洪帥喜雨二首

遊高園用前韻

和本齋止酒六首

送程茂叔二首

送羅竹山術者三首

和陳無逸中秋風雨二首

餞高仁卿農丞奉使還北四首

舜舉水仙梅五絕

舜舉馬

秋江晚渡圖

夢會圖并序

題戚子雲五雲圖

金南峯隱居圖

四安道中所見

題羅御史詩

丘咏涯

月軒陳季明

題擇庵雲山圖

約家性存

送李際可娶源學錄

羯鼓圖

山礬圖

贈東臬諳師

送戚性傳

送蕭之剛

倦書圖

題鹿字高跡

毗山二首

右軍書裙帖

題四画四首

用韻酌魏南嶽五首

三禽二首

挽詩

挽楊知府三首

挽師叔理三首

挽趙春谷二首

挽趙孫太監

挽陳本齋尚書三首

挽王厚齋尚書三首

挽成峩峩二首

挽趙止善二首

挽親家孟從吾

挽岳君舉

挽姚景春

第人聯

丁未

卷

挽趙碧瀾母劉氏

挽張師道二首

挽唐學賓

第七卷

雜著

喬林亭銘并叙

王成銘

周公誥真贊

陳玉岩真贊

謝竹所歲寒圖

學古齋箴并序

漁父聽琴圖

有翅天馬圖

石上道士閱經圖

贈月川道人

張季宜像

畫竹四首

孟禁虛像

虎圖四首

画梅二首

画猫

放鶴圖

故駕部郎中捫膝先生俞公贊并序

贊繆淡圃之祖四訓

第八卷

奏劄

咸淳辛未十二月初一日轉對劄子

狀

乾會節進狀

申省乞祠狀

拜免除浙東提刑狀

申省乞祠狀

武岡置清安寨申省狀

創大禮庫申省狀

祈雨未獲申諸司狀

表

賀軋會節表

賀壽崇節表

浙東提刑到任謝表

謝告奏

賀明皇慶成表

賀皇太后表

賀皇后成

謝赦表

賀壽崇節表

賀軋會節表

第九卷

記

范文正公忠烈廟記

蒼山小隱記

木齋記

以齋記

范文正公義學記

重脩妙行院記

松江普照寺記
君子軒記

第十卷

記

周公謹復庵記

俞好問交樂軒記

重刻晦菴景行堂記

重脩顏魯公祠堂記

普照千僧海公堂記

紹興嵛縣新建東嶽行祠記

至樂齋記

林菴記

周景遠君子堂記

第十一卷

記

游挑塢記

劉麟叔以齋記

報德院記

義齋記

敬愍侯祠記

松江普照寺釋迦殿記

普照寺千佛水陸院記

澹軒記

簡齋記

新廟記

第十二卷

序

顧伯玉文稿序

送梅君遇入龍虎山序

文子序

杜南谷籌峯真率銘序

周公謹齋東野語序

仇山村詩集序

杜南谷老子原旨序

送文心之釣臺山長序

張仲寔詩藁序

巖光大先天圖義序

厲瑞甫唐宋百初集序

送俞觀光序

張氏學古齋倡和詩序

俞好問詩藁序

送程晉輔赴和靜書院山長序

第十三卷

序

虞舜民學禮韻語序

趙氏族譜序

送張剛甫之廣德學正序

袁稼學重刊勉齋詩義序

極圓覺上人詩禪錄序

陳一齋詩序

費茂卿方書序

繆淡圃詩文序

鄭御史序

義門和樂詩序

陳公輔聽雨亭詩序

吳信之茶提舉序

挂蓑詩序

唐棣詩序

張竹山文稿序

送王仲敏山長之明道書院序

唐月心詩集

第十四卷

序

高景仁詩稿序

即晉卿序

潘善甫詩序

贈甥李松坡天瑞序

說

家自觀字說

林清甫自說

碧潭說

褚無隱說

怡雲說

覺非齋說

程堯封靜山說

湯與權靜德齋說

耕隱說

劉耕心字說

第十五卷

題跋

跋杜隱君墓銘

跋韓子蒼帖

題博愛堂詩卷後

跋范令君晉陵詩十九首

跋歸去來辭

跋梅花賦

跋厲白雲詩

跋小學大畧

跋葉一山所藏文山相國書後

題四明二僧詩卷

跋劉君擇所藏十七章像
跋顏魯公乞米諸帖

題三高圖

跋捕魚圖

題閻靜齋與張仲寔詩後

題西秦張氏世譜後

跋周公謹自銘後

題凌波圖

題向氏山居圖

題潤明圖

題松苗圖

題仙人樓居圖

書東坡石菖蒲贊後

題趙王簿遺像

題徐容齋存稿

跋忠烈王傳居後

題唐饒州遺墨後

跋浮滬歌

第十

題周味道菊莖

書陳養大祖贈告

跋崔清猷公帖

跋蔚上人約梅集

題范氏文官花

書范雷卿家譜

跋湯徽猷昌言錄

第十六卷

題跋

書范石湖遺墨

題畢良佐山水圖

書蔡琰歸漢圖

書陰符經

擊磬圖

跋范文正公書伯夷頌

第十七卷

題跋

題李升異菌

題俞子清侍郎画

秋江晚渡圖

慶省掾楊彥遠得子

跋周卿所藏坡帖

跋三蘓帖

跋趙元輔駿馬圖

題元吉援圖

題毗陵所吟

題李伯時雜画

跋繆淡圃文集

跋意山圖

跋陳忠所公遺墨

題牧羊圖

題費茂卿隨分二字

題澗明圖

跋傳雲

書蘭亭修禊圖

題百牛圖

古木老柳圖

鼠齧瓜圖

題牧羊圖

元吉二獐圖

細竹圖

三僊圖

跋蘓帖二

跋十六羅漢

跋李自牧詞卷

書尚書講義後

題東臯南園圖後

跋范天碧定史詩

題恩上人詩

第十八卷

啓

通湖南王帥漕啓

通湖南李倉啓

通交代楊寺正啓

回公孫侔啓

回張教啓

謝葉丞相啓

通汪帥啓

通陳提舉啓

回教授謝薦舉啓

通交代汪守啓

賀汪安撫開閩啓

賀汪帥參啓

賀陳提舉建臺啓

賀寶慶陳知府啓

賀吳提刑轉官啓

道州徐宗丞到任啓

謝書考啓

書考謝運使啓

第十九卷

啓

通交代趙寺丞啓

通曹漕啓

通劉提舉啓

賀汪帥除都承啓

賀運使建臺啓

謝徐大理正啓

謝徐右侍郎中啓

賀左史王侍郎啓

浙東提刑通交代啓

謝馬丞相啓

謝福王啓

通洪安撫啓

回鄆衢州啓

通鮑制置啓

賀朱漕啓

賀章叅政啓

賀刑部陳尚書啓

賀陳察院啓

回倪處州啓

第二十卷

啓

賀郭正言啓

賀陳殿院啓

賀葉丞相啓

通陳制使啓

賀徐察院啓

回安撫洪尚書啓

回洪制機啓

賀婺守趙侍郎啓

賀平章冬啓二

章叅政二

福王

臺諫

陳殿院

洪安撫

慶元陳制使

吳提刑

陳提舉

賀平章正啓

汪安撫

運使

諸郡

代鄧知縣謝啓

代謝得闕啓

第二十一卷

劄

賀陳倉赴召劄

回何尉劄

賀李運使赴召劄

賀浙西黃安撫劄

賀董都承劄

賀安吉任守劄

武岡送交代物劄

回錢安撫獄空劄

荅太平趙侍郎劄

入書

回送小錄劄

回陶省登第諸鄉人請劄

回趙圍令劄

賀洪帥妻倉劄

回洪帥謝宴劄

賀洪帥入宅劄

謝洪帥宴劄

謝福王請令劄

回福王請宴劄

賀福王子除秘撰劄

秘撰

賀福王生日劄

賀洪尚書生日二

回洪帥送生日劄

謝福王送生日劄

冬至送物劄

歲節送物劄

端午送物劄

七夕送物劄

重九送物劄

送丞相折俎劄

第二十二卷

祭文

祭梓潼文

祭范尚書文

祭陳司洪文

祭楊觀使文

祭心齋文

祭叔時齋輅院

祭孟從吾文

祭射洪文

祝文

謁大成殿祝文武周

先禹帝廟

諸廟

渠渡

城隍

鰲山

社稷

大士

三大神

射洪

祈雨謁龍王祝文

詣渠渡祠

祭二郎

再禱諸神

詣渠渡

送渠渡龍王回廟

二月十一日祭七曲聖父祝文二

梓潼

祭蚕叢祝文二

謁府學先聖祝文浙東

書堂先聖

朱文公

尹和靜

諸廟

青詞

祈雨青詞二

薦父心詞

願意

入宅保安青詞

疏

乾會節功德疏

壽崇節滿散疏

天慶觀送蝗虫疏

薦楊少監疏

備修湖州路儒學疏

喻義齋洞庭山建退庵疏

游德明入燕疏

建城南第二橋疏二

俞好問刊詩集疏

與里疏

三皇廟疏

陳守約葬親疏

第二

目錄

三

備茶提舉引疏

陳正則問銓疏

張剛甫助婚疏

第二十二卷

上梁文

七先生祠

樂語

晏交代揚寺正樂語

晏公孫倅樂語

晏黃倅樂語

晏交代趙寺丞樂語

燕交代樂語

晏安撫洪尚書樂語

詞

木蘭花慢餞公孫倅

千秋歲壽黃倅

鷓鴣天壽何簿乃尊

漁家傲送張教

水調歌頭 壽洪雲岩

念奴嬌 同前

賀新郎 同前

滿江紅 壽趙振密

山調歌頭 壽福王

第二十四卷

行狀

黃提幹行狀

墓銘

朱雪崖朝奉墓誌銘

朱山長墓誌銘

野翁禪師捨銘

東臯友山恭和尚塔銘

龍源禪師塔銘

陵陽先生集目錄終

東野先生集目錄

念奴嬌 目前

賀新郎 目前

尚書 目前

陵陽先生集卷之一

年

嶽

獻之男應復編

古詩五言

東野平陵圖

鞅掌不可耐 壯士縛申如 駟驢古平陵 水木樂
幽茂苦吟到 斜日危坐類 持釣俗情見 擺落驚
雁極衆口 兩曹第忍之 邊滿百乃報 吾終不以
此而易彼 升斗小裁鶴 料案官事竟 未了斯人
坐詩窮咎在 虜天巧有如 發其幕為 譴豈不暴

理宜得嫌憎枵腹鎮雷吼
意不
李氏此頌天

趙春谷約游北山次陳本齋韻

病士瘡於懶舉世少匹亞
未省讀道書低頭蒙
絳帕夢想北山北戶限久
不跨折簡許我游籃輿
暫相借腹鳴眉自舉悠然
謝衙靴邂逅得水竹神明
湛吾舍山亦紫翠橫了不
費要迓平生赤兩脚城市
所深怕何妨岩石間共永
一日暇高情偉卓犖不在
古人下喜客見眉宇煮茗
掃

風榭老仙澹一癯龜息閑
靜夜攝衣倒凌景回

首憐俗駕吾儕偶會弁小
語輒雷咤風雨萬慮清詎
肯隨物化商山尚局促而
况彼畦夏

東坡九日尊姐蕭然有懷
宜興高安諸子姪和消明
貧士七首余今歲重九有
酒無肴而長兒在宜興諸
兒藉杭溧陽

因輒繼和

吾翁始落南土思尚依
築堂扁岷峨目斷落日
暉憶昔丙申歲錦里烟
塵飛甲子已一周而

我猶未歸孤蓬失本業旅雁抱長飢百年直寄
爾曠然勿徒悲

驚飈舉落葉意氣何軒、秋高百卉盡寂寞但
空園何異富與貴變滅隨雲烟緬懷陶彭澤平
生極幾研朗詠貧士詩相對如晤言今人之所
耻古人以為賢

我殆勝彭澤無酒亦無琴湖外來遠餉屋角轉
好音吹帽節已迫醉鄉路可尋勿違故人意洗
盞起自斟酒之風骨甜谷永與杜欽而此清且

勁良足慰我心

人生徒自苦與世為卷妾何如有美酒自獻還
自酌貧雖不若富用寡庶易周婚嫁願已畢此
外復何憂况無下溼田得與彭澤儔年豐米長
賤一飽或可求

翁媪老白髮蕭然老江干大兒荆溪游折腰豈
為官諸兒走異縣亦各營一餐別多會面少端
復坐饑寒諸勿且眼前笑語問我顏勿問賢與
愚懷抱俱相關

好惡豈不察鑿垣植蒿蓬而此庭前菊鋤灌少
人工此物抱至潔有似楚兩韻留香待嚴凜意
與烈士同糞土咲伯始金錢鄒鄧通千載一元亮
舍此將安從

兩山南北峙四水貫此州登臨豈不嘉出門自
寡傳客鄉幾重九歲月如奔流蕭然具果飲聊
以散百憂平生和陶集韻高乃敢酌乃復咏歌
之歲晚葆媵修

和程漁莊救燕

燕巢屹高壘蛇行危折磬不虞猝見侵恠事發
軒屏黃口養漸大紫翮翻相映雌雄力難護吞
噬氣方盛豈不避戊巳天意特未定主人勇赴
救為惠固當竟蜿蜒墮尺箠折首甘所迎古人
致陰類嗜好用其性此族遭炮燔徃々多天橫
人固異於物縱暴胡忍聽試者自古來善者終
必勝羿殞莽亦屠曾莫保軀命報應各以類豈
不信可証驅而放之菹是乃三代政姑用柳子
言鋤吾草萊徑

題淵明圖并叙

淵明九日無酒坐宅邊菊叢中意味寂寞江州刺史王茂弘諸孫已荷朝寄猶知有賦去歸來者能於此時遣白衣擔酒遠餉邂逅一醉大是奇事集中九日詩僅兩首無酒則曰塵爵耻虛壘寒花徒自榮有酒則曰何以稱此情濁酒且自陶而王弘所餉已酉九日十有餘年畧不見於詩何耶此翁志節耿亮與秋俱高往、逃于酒而寓於菊二詩之作一感一喜微見於意固不

暇於歲、皆詩此中有真意欲辨已忘言正當求之言句之外可也此幅筆雖簡意有餘輒和已酉九日韻述其事醉中看畫未免發千古一笑

平生飽耿介四海寡朋交凄其九日至頗感顏髮凋無酒醒對菊風味乃更高誰識此時情白雲行遠霄地主有佳餉得、良已勞而我適邂逅赴飲如沃焦永言大化內朽質非所陶惟有飲美酒一醉可千朝

九日并叙

陶公再為建威參軍劉裕幕府也忽棄去屈為彭澤令未幾又棄去裕是時已有異志錯穆之寧死不與九錫事王弘自江北來首以此議風朝廷裕遂移晉祚而弘為吏部尚書為江州刺史遂被心腹之寄既來江州柴桑近在境丙子陶公時憐豈非內懷前媿欲拔高人勝士以自湔拔耶被曷不知名節之為高也陶公未易致則使人中路具酒食候其出醉而要之庶幾一見斯蓋已甚迫則亦可以見吾胸懷本趣固有在豈端為一王弘哉迺乘籃輿足以自返其視華軒為何物而弘欲以此榮其歸此又可笑也前是論者偶未及九日蕭然因賦數語秋風飛以至今日重陽日明對南山向想陶彭澤向來建威幕頗見有此客驅車不少留駕言公田秫如何又弃去此意誰能識寄奴趣殊禮風肯來自北只今正江州建白功第一故是僧弥孫舉動殊足惜飲媿望柴桑稍欲自湔

滌殷勤白衣餉猶恐不我即中路候蓋與要致
已甚迫葛巾赤兩脚頽然向州宅此翁本坦蕩
烏能苦遺物一時可計取中寔未易屈華軒有
何羨自載返蓬華終身書甲子凜義形色如
使磷且緇安得玉雪籬邊有佳菊弄黃正堪摘
我方持空觴千載高風激

簡趙子昂

君維大雅姿被服藹蘭蓀胸次縱流畧本一又
元手追七子作凌厲氣所吞餘事到翰墨籍

甚聲價喧居然維自藏珠玉走中原四年即省
戶小滯當高騫官來為多士復除布春溫力爭
吾道回中流收崩奔眷言維桑舊從容駐輜軒
我亦喜再見一笑畧寒暄首誦新詩章兩耳為
君尊高情殊磊落落俗子何足論顧我寂寞地無
物當贈言乃復携尺紙看君醉墨翻霜木石共
老野竹翠不蕃落筆頻申頌歲晚古色存思君
時一把此意期勿諉

和趙子俊閑居十首

俛仰一室內我興尚無為凝塵淡素几乍見閒
居詩吐辭甚高簡觀者未必知士固各有志肯
為富貴移汲多羸其瓶居然井在湄何似鴟夷
全張弛隨所宜揚子不違物趙子不干時此意
諒所同相與三復之

窘步殊踳跚戶限久不踰若或繫維之媿彼空
谷駒俛焉念平生我亦酷信書所得不償失每
與憂患俱飲水飯脫粟此意豈願餘貧寔為我
累舍貧將焉如堪嗟嗜利者死甘謚為愚

維昔陶元亮早歲尚隱淪從事建威幕奔走戎
馬塵宵征亦良苦我豈戀軒茵時運不可回物
態日以新悠然彭澤去漸與鄉里親公田半稅
秫亦足慰我貧有人企高躅漫仕求所伸闔嶠
雖云遠弦歌遂其真

九日忽已過霜薄陽光晞未漉頭上巾先典篋
中衣時物尚有菊採掇頻爾晞對酒胡不飲坐
看白日飛五勝更因旺萬事誰是非且復進一
觴酒盡情依、晚蝶抱孤藥無乃昧先幾

勢利苦炎、名節貴皜、河縣開飛李家園熟
梨東當年歸騎省名譽豈不早一染金谷塵蕭
艾沒芳草胡為閒居賦乃詣任安巧所以惟慕
陶固窮而守道

我亦愛閒居好山環屋青柱頰坐來久冉、白
雲生山中有三秀誰為采其榮散我腰脚須使
我神觀清

我居殊偏仄東西鑿兩牖卧起於其間不知歲
年久秋菜上墻生廢圃一何有只應谿上人咲

我已白首楸柚非所種勸我且種柳也莫種壯

丹與爭妍醜物

閒居維美翰寔明庭戶寂硬黃力追古旁觀共
歎息當由結習深疊、向晨夕持用自怡悅而
不為物役但恐好事者逸少混鉄石我能別真
贗一紙百金直

衣短不及髻髮短不滿梳惟有憂世心皇、此
生俱鮒魚呼轍中微温以相濡斗水旦夕急豈
與人意殊試誦反招隱願無懷故居墨突何曾

黔行矣勿踟躕

人生與出處要不失其正手捧毛義檄以為庭
闈慶祿養有甘旨東西惟所命賀客來何多踏
破蒼苔還再拜稱壽觴閣里生新敬

米元暉山水

鶻突烟樹外水遠山更長天地有如許扁舟何
處藏如何短蓬底結習猶未忘是時水月繁不
見此夜光于今尚無恙懷袖行可將我亦流落
者此味慣所藏誰能畫歲堂坐我於其傍

十月既望能靜飲客海棠花下即席索

詩走筆一咲

久聞使君歸扁舟欲自載竟負九日約吾意良
有待今朝得一來適與佳辰會名園盛衆卉搖
落不少愛為語玉林神無乃風景殺春葩發霜
枝一夜作奇恠此花紅濕處無如錦城最御來
定鴻鵠萬里從雪外高情相煖熱置酒出花背
固知是鄉人豈不在我輩西莊見西座一咲心
領解王人獨妙年有花正宜戴胡為亦見分無

乃嘲老大誰令開非時故遣白髮對君勿輕白
髮、白老更耐洛陽劉伯壽耆英典刑在醉帽
仍揮花豈是兒女態還以壽主人風流更耆艾

羅漢臣枉笏亭

爽氣鍾于西域眉橫太白春風吹不煖暑路有
積雪月照平羌冷雲頂七頂濕游戲尚謫仙銀
河洒醉墨遂令漢嘉郡千古占一色一從殊方
走江山頗蕭瑟流落各天涯相逢未相識微聞
莊寫吟握手話疇昔乃知此邦秀終不斷地脉
權門車如霧衆甘炙手熱而君獨幾先惟恐泥
我笏偉哉百尺樓西望即鄉國爽氣今已回何
妨高柱頰里中表聖公千載推汲直當年幾諫
紙扣笏良鯁切意欲推百士死職非所惜此笏
豈其遺正自峭風骨願君善藏之擊邪者他日
也勿羨堆床富貴竟何益長鏡白木柄乃我手
中物惟有故鄉夢與君共愁絕何當駕隻鶴萬
里遡寥碧

又本心參政約游西山分韻得頂字

僕、事行役度盡千峯頂忽覽亦云倦因卧殊
未醒而爽俄見要前約欲重訂結習若猶在寧
復討兩眩天際豁清陰溪頭橫短艇控手謝籃
輿信步踏荒徑適意自忘遠迷途誰為詢此翁
平生意故自畧畦町何妨一咲回呼僮催煮茗
兩年已三至我如飢龜鼎無乃大厲厭徒欲逃
酪酌老筆忽先倡高標誰與並尚記去載游金
碧光炯、何處非吾鄉一氣相溟滓

送姚子敬

方聞與孝孝久矣無令舉公車冷于冰吾已棄
如土提書向孔牆萬代禮樂主而先薄正厥
有聖法寓士也得所歸至窮亦云遇於惟京頂
旧幸不生蒿擗斯文諒在茲天意豈輕付之子
抱澗靜蕭然守環堵光彩雜自闕珠玉滿囊楮
一從鶚表飛諸公共稱許如何但熟睨引鼎力
不武棲遲冷掾間無乃太廉取相縻共升斗端
欲重費字勿嫌屋打頭碑兀氣未吐六月取一
息千里始跬步期君在遠業看君即先翥風雨

忽道別恨，寡悰緒從今閉柴荆，何以慰衰暮。
題張老山從好堂

世有嗜土炭，恣啖等梁稻，海上遂真夫，自謂妓
且好，惡一失，正方境，眩顛倒，亦有欲富者，蠅
營無不到，洗劑媵，禹食執鞭甘隸草，于此還有
人，深耻貨賂，冒一咲視，干駟貧賤，守以道，厥好
豈爾殊，吾自有至宝，但恐好不真，回奪諒難保
老山殊絕塵，褰裳不欲編屨，名與利何曾挂
懷抱，世人定不愛，昌歎與羊束，吾意各有在，端

未恨枯槁從好，以名堂一室，聊咲傲心，惟有所
好，乃能無所好，仁者夫子不知歲，年老益晚
而好易，編窮所好，波富如浮雲，非義聖所悼
諒茲得其從，聖言極探討，孰重複孰輕，辨之亦
既早，而我方忍飢，四壁淨如掃，舍魚取熊掌，因
用敬衰毫

十日菊為子昂壽

風露浩如洗，漸覺霜氣滋，九日已成句，黃花爛
盈枝，誰云清香減，清香在詩脾，詩人亦未老，依

水雪姿為我，撥繁英和露。三暎之此物，昆壽耐千歲。以為期一點，綴鬚髮。真是麒麟兒，長大著膝上，綵衣相娛嬉。

戚子雲袖詩見過且篤叙先祭酒與先人同朝之雅意甚古用韻為謝

白髮祭酒公儀刑古君子，多士所共敬。豈獨桑與梓，吾翁幸同朝。輦路時並轡，流風日以邈。追慨徒倚徒子雲，萬世詎竭來自携。李念我一破廬落，荒城址遺以五。孕雲置之五雲裡，我是

老祠官未忘鏡湖水，握手更細論書味。潤以旨

嘉問有青衿，十載詩千紙。

西島使君上冢過雲首訪敝廬又會能

靜話旧感慨情見於辭所以道別

自為盱江行，景聲日蜚馳。赤子問襦袴，白雲滿鬢髭。若違重會晤，握手慰所思。旧有龍岡表，三讀起懦衰。迺翁平生志，正在造膝時。曾擊戚戚，悍曾疏公田。欺曾陳峴首，急或訝語太危。移疾逃相印，何忍張悌為。全歸干戈際，一致眎險夷。

象賢有令子紀寔無溢辭刻之並纂疏自足永
久垂憶昔姑孰守欲碎脫鞞謂博士何偉哉奮
身力護持粗沙與大石彼計竟莫施遂令兩圍
在番作千載奇此事閱世道殘激我匪私他時
記先友要當附見之願我窮未死僅存骨裡皮
殷勤涕衣既古道其在斯無物當贈菜遠大以
為期願勿忘吾州歲晚託茅茨

和德清曹魯郊七十一吟

元日書甲子曉樂問五辛願記絳縣老宜有善

頌陳君平生是歲早晚戰伐塵明年七十二日
謀無糾紛斜飛滯拙枳旁觀茲積薪餘乃來澤
國比屋多嗷呻何由躋壽域君勿開荒榛遺以
大有年在鼓腹人匪徒事勾稽耄稚情日親
溪流甚清泚蒼山亦嶙峋胡為動鄉思便欲乞
其身駕言登東山遐眺穿屋垣有時于沂浴庶
幾遠俗氛平生布衣旧方今鼎鉉臣挽留不聽
去好語温如春悠然復少任終惠此邑民九十
以珍從八十起渭濱如君老益壯眼明無眵昏

精力殊未衰齒宿意自新盍陪英俊游可是祐
搗倫而况二三子左右參魚鱗從前取青紫且
姑置垂綸憶昨初相識氣象清以淳而我已索
如髮短不可耘遂廬辱再訪頓覺雙眉伸大咲
向我言六甲那解輪惟須飲美酒分餉良已勤
珍重君子意自酌不及賓和氣何益、喜色何
津、長我梨與東平地即仙宸勿使他饋傷小
大相參辰俊誦長短歌允足夷我神倘來視富
貴高情渺浮雲想其下筆時健能幹千鈞君倡

我當和樵髭蒼屢巡向來九老集往往多沉淪
亦欲相從去病憊力弗臻似聞紀初度先我十
二旬者君咏薰風咲我醉霜旻所期在千載天
地見本真蓋其生五月
予九月也

錢潛岡南提舉

君前郡文學端自吾州始壇坫日以高到處執
牛耳平生洒落胸作事故奇偉飛上南樓去坐
得數千里全楚帶五嶺古俗甚豐美一昨干戈
后或未識胡筮禾樽生鬻學士氣如洗此行宮

繫佩印良為吾黨嘉三閭屈大夫四海習鑿齒
堂始興公亦從韶石起何地不生賢幸勿遐
陋視著意狗荒餘文物中州比况復多蜀客誰
其顧瑣尾相與煥休之我頗念桑梓垂老犹惜
別何以當馬蕃願君為廣廈大庇天下士

相生兩石間千歲終不大韓子則欲移
之平地以遂其生相生兩石間天命本
如此蘇子則欲安之石間以全其生二
說若異然韓子愛惜人物以有用者也

故又曰傷根栢不死千丈不難至蘇子
愛惜名節以自保者也又曰雖云生之
艱與石相終始愛一栢也雖然處險難
而出險尤難金華倪君老儒也以栢山
自號因取二公意賦詩寄之

栢生兩石間平地盍移寘平地豈不好又恐傷
生意兩翁為栢謀其慮各已至受命獨也正固
與凡木異夷險犹尔殊而我本一致但能全其
天所擇不在地我聞栢山名抱藝久不試自種

秋栢寔離、滿山翠石碍曾不揚地平亦不肆
歲月漸婉婉冰雪幾凌厲此栢初不知老大見
根抵一咲謝兩翁何省為榮悖
送洪竹堂

家住西湖西愛吟仍愛竹富貴豈不好變滅如
轉燭一昨流落後破垣竹猶綠往事何用訪得
此良自足胡為被書誤彈冠向茗曲三年飯脫
粟不飽而况肉頗有青衿子對之尋日讀時復
吐佳句家山如在目不知竹是伴誰護蒼玉束
官滿還滯留欲歸未可卜無錢買扁舟遷居更
勿促悠然謝此君行止任遲速新年雨雪深忽
已歸期告天公似有意為尔開晴旭士固不可
料窮久理當復東風吹浩蕩萬里奮鴻鵠

贈姜醫

越人常遊齊後世多名醫漢時太倉長亦復出
臨淄子寔同鄉里兩翁諒所師從今雪川水飲
者不屬疵

贈日者薛東湖

抱疴蓬廬下白日背我馳我生已如此天命復
奚疑悠哉東湖水不迎亦不隨相對淡無語可
以樂我饑

陵陽先生集卷之一終

陵陽先生集卷之二

古詩五言

和德問弟苦雨

勃鳩朝喚晴竹雞暮催雨
脩晴雨間平生睡足處
剥啄忽以詩使我浪愁苦
此事屬天公底用強如許
淋漓不得休土偶復于土
君何見之晚三歎咏禁柳
不如兩忘言危坐擁敗絮
向來夏畦勞抱甕漢陰圃
旱澇相乘除天地只此教

年

獻

獻之

男應復編

為我語老農未用輕喜怒使有二頃田亦欲荷
鋤去我評昔遜世勿安勝根矩母為並名若江
湖多數吾但看采榮者隱約殆終古彼以膏自
煎謝去匪吾侶無已則沮溺躬耕諒所取吾儕
固長貧正坐力不武所營薄少耳搏沙尚難聚
却笑杜陵翁欲把滿天補胡不歸自謀鴟、被
茅宇天邊金老鷄已放晴曜吐馬嘶群動起吾
惟守環堵

和無逸子敬獨姥山

維址呀洞戶雲氣一縷烟老龍蓄精祐萬石護
其巔從此叩林屋倒翻水中天金庭漫隔凡窮
採未擬旋轟騰四面動兀坐孤寂然頰疑北山
豚跨湖潛屬朕歸來夢所歷跳波撼晝眠種橘
化為枳我髮日已宣何時菴邊路去伴毛公仙
獨老旧聞名俚俗訛已傳一朝得妙語塗抹乃
更妍天姥似尖色葉姥休語年而我後自咲搗
乾非葉鮮聊以調二士鼓棹還延緣

和善之游龜溪乾元寺

疇昔侍吾翁尚記入霄年米麴家、醱蒲荷處
田龜溪見鶴材欲去遭挽牽借屣度長夏對
床時醉眠或登左顧亭風物清且妍回頭一甲
子往事隨奔川翰林左綿秀宮錦不上舩肯尋
西翁遊來弄明月泉弄泉珠麗袖吟詩箭脫弦
是誰修月斧斲地成空穿猶有半泓碧素此筆
如椽乃知宇宙內小火常想懸惟堪供我輩古
瓦生茶烟雲乳聊一啜松風灑禿顛

和善之遊法華

勝遊得勝士欲濟得健攜如此正自佳寧論晴
後雨徐行看前山雲氣互吞吐借我烏藤枝急
奔青蓮字跋寔良亦吸蘆篠可能俯呼酒酌此
脚一啖失杖拄吾懷已曠然阿香殷餘怒床敷
相對睡不眠叅伏祖晨光報新霽生色浮宿莽
諸峯忽自獻頰自作眉嫵絕頂瞰具屨勇往不
可戶而我跛躄者遲鈍誰比數窘步竟難陪內
熱生心腑龐通遠相要澗明喜欲舞籃輿叩隱
廬跌坐直香縷四士苦未還踏破辛夷塢俱是

青雲客那得薄圭組新筵甜如蜜新茗白勝乳
山靈倘有容吾欲老茲土預愁下山去塵事紛
旁午試問白木鏡何如長柄塵乞日蒙萊把終
當地主此翁無乃痴統如五鼓

真隱詩

招隱費招呼習隱聊習步素隱或素餐元隱似
充教悠々千載內罕與真隱遇小小慕真隱每
誦坡老句竭來法華遊正在題詩處真隱忽在
前更慕坡所慕真則思慮泯不真精爽驚真則

光塵合不真圭角露真書無款仄真味無反惡
真樂無安排真逸無疲苦所以要任真徑渠訝
箕踞所以貴葆真後地咲推魯但看真隱廬蕭
然只環堵青山以為屏白雲常在戶隨宜種花
藥快意掃庭宇可作真率會可託真寔語可飲
真一酒何者非天趣玄真乃詩流季真是仙侶
拉之相與居中屨此容與坐閑鷓鴣鳴時看蒼
虬舞踈散畧遙幅誰容復誰主吾亦忘其真酣
歌下山去

俞好問又號菊莊為賦教語

人生自作計北屋連南莊其間復何有積粟埋
屋梁敢村有退士用意獨異常種竹一萬株規
作歲晚糧老農與老圃工勤畧相當春雨茁陳
根柔莢綠千秧剪鬻岐厥韻葉盛在本昌掇之
付茗椀聊誑藜苳腸秋高飽風露粲々枝間黃
使天而雨金不可以為糧此賜何敢慢再拜然
后嘗按筆不勞咀送入牙頰香三爇下丹田字
之曰黃梁其情性且烈毋以它饋傷為爾制頽

齡使爾壽而康彭澤有公田秫種半頃強正使
及秋成所得亦已涼奈何不少忍決去鷲鴻翔
百匝繞東籬采々不盈筐高吟羨清餓持此送
一觴珠玉寔其腹千載有耿光子亦慕陶者閑
戶歌慨慷但得三徑存何慮一莊荒老我飢不
死誰與辟穀方作詩聊以贈一吟為羨棠
却曲諸名勝不鄙老朽移樽見過風誼
甚古語咲甚歡輒借昌黎人日城南詩
韻少見謝意

人生貴合併造物忌嘲弄頗與同社濶正坐兩
骭凍南城七日游前事諸賢用但愁茅屋陋不
足置賓從此合豈偶然歲月日時共皆壬寅四癸
義可取三壬老堪送况有塞東陽初不減潘葑
渴吻久已燥樂飲宜一椀笑談更溫克容與非
但惚永言戢厚意拜嘉敢不重

李千秋訪數語代謝

昔有孟萬年脫帽狂不休今有李千秋吟詩醉
愈道我久聞佳句一面苦未酌殷勤忽過我意

氣殊相投能道太白語便可太白浮清論或抵
掌烏沙猶在頭而我已頽然頗有此樂不偉抱
自卓犖下國難淹留同來玉雪即外家乃名流
好歌鳳將鶴飛上丹極遊

宣和御画紫芥

荒園老蔓菁空見根葉大苦硬螯人口棄去何
足賴糠、米萬蟻微醒有餘嘔

岳君舉用東陽法釀酒味頗蘊藉長見
携歸偶得數語

昔屢飲東陽往，錯認水次公似少猛。生終
慙耳知我野心性，雅不便軟羨契闊二十年。那
復此風味，飲酒真飲蜜。直欲噁心胃，見後南塘
歸殷勤。有佳遺公等，久要在相看。犹故意曲江
加蘊藉，鄭公殊嫵媚。一見極傾倒，渴不能止
正性固自存，遽莫測其際。徐覺和以諍，雖勁還
可喜。酒固未易知，酒亦非易酌。酌何適，從不
夷而不惠。

德清孫氏和樂秀明堂

人生致足樂，莫如今兄弟。綽而有裕，其中自
春意。龜溪有二孫，能薦友于義。同居五十載，闔
門數百指。幾微無間言，輪囷有和氣。粵從鴻雁
散，惟恐棠棣廢。欲挽古道回，茲事良匪易。亦既
成新居，始得遂初志。和樂揭高扁，秀明屹對峙。
怡然兩白髮，塌筮伯仲氏。子孫皆雅睦，里閭亦
順悌。復如無事時，難得真可貴。唐史傳孝義，頗
記張鎰李跡。其屢易世往，干戈際義風不少。
衰大書乃無媿，嗟哉廣明后。旌命曾弗至，雖有

篤行者誰為紀姓字我聞二孫名不覺為之喜
兩紀信寔錄聯名盡名士光見衆論公必得一
行史行者表門閭卿邦誇盛事我詩甚鄙拙願
尔多壽社

贈俞月山

童奴從長耳萬風聲蕭騷歸從半山路問字良
亦勞卧聞餓虎嘯喚醒平生毫前山忽湧月始
覺所高見頽然有遠孫載酒江湖教胸中湛水
鏡邂逅得所遭古月還相照了不隔秋毫但怜

露草濕時復暮虫號

送唐同知

平生一寸心神遊夢華錄喜君晚相遇風景死
在目肯為此邦來大是渠儂福我但飲若水生
意已俱復軋寒女手何事嗟空軸欲去復停
車為尔兩眉蹙猶是前叔度五袴回餘燠千家
萬家喜吾意始云足路穩驅車去祖悵紛相屬
賀下不賀上此語傳古俗况携善頌歸親舍善
可掬魚羔傾家釀徵声動鄰曲麾節願早還春

風棠樹綠

適安齋

大圓如旋磨萬古幾曾息日轂環之走西陸俄
東出聖賢法天運所以長汲大禹生胼胝孔
弗皇煖席客寢何太康人或規不及亦有功名
者齋內運百甕不放身暫閑苦欲勞筋骨如何
適安齋燕處甘暇佚此齋匪侈麗易安取容膝
竹几對藜床左右置書冊有時值佳友從容遂
竟日體適任屈伸意適任語默惟其適之安適

且忘吾適向來孤山老保此踰耄耄以安遺子
孫此計固已得人生天地間何事非吾職夜思
晝所為然後安可即况君抱修能當念踵前業
相期在萬里無從守一室精義以致用龍蛇豈
其蟄

次韻程晉輔

一宿蓬廬托百事弁髦棄平生意何如猶動沾
喜我喜在丘壑富貴非所睨况子好山居泉
甘野芳媚鹿門時亦家了不慕城市或嫌人材

遠知一未知二試者近市者事奪紛夢寐正墮
膠網中展轉悞身世舉手謝圓客士固各有志
結習奈已深坐上謾同異山空陰綠淨長日惟
宜睡夜半呼僮奴發火然枯葦滿紙詩已成文
采一何鹿墨池漲玄雲晴窻藹微霽自子來此
山與山相昆弟又将三昧予於焉小遊戲向來
蜀之日往、召信吹道尔付一嘆千載息攘袂
變滅今安在但有山鏡翠可憐七十翁嬉遨尚
童稚坐聞酒如川留客爛熳醉亦思翩然去芒

橋踏初霽就林煨短茁帶泥落花葉清絕恐無
分得已吾欲已那堪迫暮未來日能餘幾城外
土饅頭區、誠過計卓哉荷鍾翁睡達未可毀

仲寔示中秋詩甚恨不同此樂用韵一
咲病中殊無思也

誰其持水炭晨夕闔我庭遙哉水帝后乃有此
寧馨不受百藥鑄奈何頑且冥是時八月半無
雲天正清居然作災怪流汗如翻瓶捕逐出八
荒弱步愁而子方寘酒賓主更醉醒作詩

調明月顧兔下乞靈飲量聞小戒猶能吸南溟
空疾掃已空蕩、白玉局何必効消明若問神
影形吾生七望八臍胸知幾經不樂復奚為羨
子鬢未星何時定一來眼中見鸞停軟語到夜
闌發火烹中冷誦子新詩篇我亦能靜聽

同賦開元宮避暑詩

避暑如避虎山林每逢旃誰知浩穰內自有清
靜緣同來戴牟張作計良亦賢是時正流汗赤
日行中天勞坐苦後、何異烹魚煎居然得勝

地神觀為爽然涼飈起玳簾紗香汎瓊篇坐客
易生感泉隱獨談玄靜者噪之君方寸湛其澗
勿謂火勝月此意諒默傳我戶隔珠庭逢企王
真仙、游雖云邈肯逐大化遷曲池况未平中
多蒲與蓮更有離、者使我增愁涓

次韻仲寔秋夜

空庭兩屏株吹香滿前軒頗疑顧虎頭幻此金
粟繁或是乘鸞女月窟分天根更與鴻浩露盡
洗蜂蝶喧苦無好事者為我載一尊而我子張

千古詛夙所敷官將新詩句到我羅雀門何殊
小山賦欲招楚客魂犀首纍佩印陋矣不足論
老我罕出戶東牆甘曝暄應同花下醉式副我
願言

送家自昭長慈湖

眉山鍾神秀翁季天下偉直到仲虎輩奕々殊
未已家為文章家百年兼兩侍存翁名侍從願
山古虜使秘書性其存文脉益道迹前除羅玉
樹乃復有令子操趨曼不羣老氣壓純綺早歲

悉開篇短檠午夜几要渠紹編刻教示正勤止
家堂未輕出吾儕方側耳一朝著班衣束書事
行李堂上白髮翁為尔顏色喜江濤日々靜酒
酣可以起慈湖在何許精廬屹其址我欲鼓枻
遊浩渺曷浹々長風駕高浪瞥忽可千里如此
寧不起蹕厲前無比須知歸宿處其遵元甚爾
鯉庭尊所聞固自有源委願無塵凡近讀書愈
窮理脩程與遠業亦從今日始合奮來衆譽烜
赫繼世美持以貽家尊良足當甘旨

贈陳一齋

謝公文物郡山川如錯繡轉眼成蕭瑟富覽寧
復有自我識君子再挹中嶼秀卓犖妙言語經
術更兼茂早歲六典書粲粲孤味春官失分
寸苦不入吾穀天意將有待本郡煩客授鄉人
弟子行月旦師友曰朝隨貢篚入莫處儒席右
固知致遠業當時無近售多士皆景附三道共
輻湊而我初何心高下隨所就澹然守吾一擁
書坐清晝交帚謝俗物冰雪凜懷袖獨於吾輩

人倒屣惟恐后誰云一推掖不如雁門守好賢
篤緇衣同心藹蘭臭况乃諸老翁夜艾耿殘宿
殷勤見尊禮能使風俗厚頗憐世議隘或用儒
為詬元氣湏愛護大體必爭抹誦言百僚上大
作萬間覆君當自此升儒蘊獲盡究是為斯文
福豈弟神明祐平生聞人善喜氣如饋餽作詩
繼魯頌千歲俾眉壽

送王仲敏長明道

君本鄴中士行何建業去故都多感慨盡在登

臨處乃心所師仰當年上元簿閉門玩微言春
風會歸趣

和馬侯游何山

自還吳興居頭重而齒豁信意時出教所覽深
以廓何山在何許細路穿本末躋攀不憚勞歷
見郭郭晴嵐堆紫翠正在吾屋角世事苦全
並我但專一整嗟波競利者為計自各負緬懷
安定公雅合屋臺閣平生惟自道未肯輕邁脚
竭從海陵來姑蘇亦暫泊湖學得公重學子有

攸託南園慶曆間六老曾會酌當年馬太守高
誼誰能若直卿為之記文字誠磊落厥今同姓
侯胸次有活著長篇俄寫就傳寫腕欲脫昨聞
上胡汝寒色正錯寞樵木不為禁宰樹嘆濯
新祠已卜龜華表佇立鶴神游倘來下曠達離
塵縛

送呂錫入閩省親

吾友鄧善之從游多佳士其間最妙齡英、有
呂子虛中風寒處子獨鍾秀美憶昨初過我半

度如水峙不肖逐利名惟耽玩文史閉門肆探
討往、窮日晷刻意逗幽深飛辨摘譌記我欲
濬其源融液會衆理何事遽索去明發事行李
八咏須恣游三山亦甚遂人生著綵衣侍官真
樂止行當拜嘉慶親顏為渠喜非復旧阿蒙有
子能如此便可置膝下家室勿輕視

聚星堂并序

潁川周宅有聚星堂世但傳歐蘇白戰詩句晦
翁在建安因作新陳氏之考亭始繪荀陳聚星
故事於屏上致訂指示甚詳且為之贊世或稱
先生為政亭蓋說贊中一語若不滿于膝上長
文大若二孫者然其意則為侂冑發也陳氏乃
晦翁之孫故曰課忠責孝獨舉余衷此橫幅意
亦是時所作以便卷舒爾今考亭已燬而此本
獨傳於世豈偶然哉曹士開博雅士也能寶藏
之因識于下方云

建武重名節狂奴態猶故客星復何事一夕感
輒度風声激未造駢首死黨錮而五百里內乃

有賢人聚行，望德星高陽里中。去德隆則星
晷時網不足，與元氣之所全。改在簪盍處，乃知
忠賢類天，每下其顧。二老甘隱，淪四海起尊慕。
有如子孫行，已是廊廟具。深期任世道，相期扶
國步。皇路方險，嚴傾軛當急。赴赤手徒捧塊，詎
障奔流怒。濡迹本救時，其忍諉諸教。事蓋有至
難竟，垂天所付汝南榜。堂皇考亭繪，饒素室有
聚星事。四遠競傳布，老眼苦昏暗。見画如隔霧，
卷還坐太息。水炭擾百慮。

史彥明致樂堂

高堂有壽母，黃髮映兒齒。天方界脩齡，康寧燕
多社樂。然人子心，何物堪倫此。和氣為愉色，皆
自深愛始。郁穆涵春風，融怡妙天理。此是謂主
樂，則為可已。再拜為獻言，忠養極娛侍。隨時
換輕暖，每侍進。修澹初非假，外內至樂皆在此。
况能以志養先意，而承旨。鮒鮓故自珍，惟不如
菽水有時平。反歸兒喜親，亦喜吾以名。吾堂致
樂義最美，試看純孝行。昔曾今日史，會有邦人

士升堂奉醇醴俾爾登期願俾爾宜孫子

次史德載韻示諸孫

我家無絳帳貧賤人所弃忽聞吾仕声老懷倍
歡喜比隣亦驚怪投眼不敢睨先生史魚直自
謂骨不媚珠玉在短褐深箴未輕市而况門閥
高指不屈第二官應童蒙求為爾覺昏寐袖中
一卷書傳之自名世尔幸近得師益勉從學志
人品分中下教法初無異采芑復采芑我曰自
新美那似斥鹵濱弥望荒白蒿輕園圍敗屋不

見花樂麗賴此小窻明晴光開霽日長書光
讀所誦先孝弟泥牛共土狗勿復事嬉戲後池
蒲稗深竟日群蛤吹也勿向池邊照影如孔翠
低頭勤筆硯翻墨滿裾祛男兒十四五年紀非
幼穉不妨咲阿翁憤長如醉先生有雪霜嚴
威不汝霽今朝發吟長老年謝凡藥閉門苦覓
句殆似陳無已古古人心今人知者幾平生
穎州教不作功名計但令本根在浮華終易燬
侍輅院叔過山廬意行甚適夜過半乃

知醉卧山中而親友或去或留因借澗
明時運暮春篇一咲

宿戎親友蓐食話朝携幼偕往歷覽江郊鳴吭
在谷時雲在霄灼々桃華青々麥苗且行且扶
且憇且躍橋有危躡湖有遐矚古人惜春常若
不足又一月多何如其樂捐者隱淪狂者詠沂
千載彭澤異致同歸匪怨匪荒天趣蕪揮大阮
靜澗心慕以追暑嬉我林夕偃吾廬或醉或逃
聽客所如林墮片月空耿殘壺一笑成詩良非

起予

再和

摩肩趨利市門之朝夷然抱關市也亦郊一念
靜躁懸隔壤霄旱火禾焚寔炊我苗飲水內熱
其何能濯大播昧目近或弗矚我有至境反觀
內足寂寞寬閒自得其樂芒々禹跡海岱淮沂
游子倦矣故鄉如歸牛羊在野舉肱一揮既入
其笠夫又何追八荒我闡天地我廬六鑿何有
一席晏如西風籬落剝束斷壺靜以觀復閉戶

者予
其
陵陽先生集卷之二

陵陽先生集卷之三

古詩七言

長江圖

漢川影落鸚鵡洲
金山鍾到多景樓
老龍幾載卧寒碧
中間不斷萬古流
晚未雪浪天如屋
澎湃舞我一葉舟
移岸轉知何處離
烟草令人愁
說與渠儂莫倚舵
轉帆別浦盍少休
此圖此景俱可惜
展玩不足空白頭
家在江水發源

年
獻
之
男
應
復
編

處何時還我舊菟裘

山水圖

凝塵不去鼠行几劃見巨然與千里脩眉拂畧
遠意開碎點孤烟樹如葦鬣龍鬚、新翠搖我
覺鄭公殊嫵媚懸知自是棟梁具歲晚霜雪須
飽試舊閑北岳鍾馗寒長松造天冰裂地蒼皮
玉骨不受凍礪斫千丈世絕擬誰能為我試貌
取竒姿偉狀來眼底張君平生飲所見雅復愛
此秀而美雖然莫作差池觀老杜陰夷同一致

鳳凰山澗石圖

南湖山人小戲劇夜半釣天闌拊擊音節疎宕
鳳起舞至今筍簾遺擡業君來訪古用此時地
老天荒何處覓矧、渡盡澗與岡確率徑微予
趾棘重華忽已三千載鳳鳥一去無消息石兮
石兮奈尔何搔首湖濱徒竚立群仙拍手相勞
若但知簸空吸寒碧殷勤問翁今何如方瞳炯
映丹頰頗記三生石上無讀書隻跌兩苔澁
歸來舉似翁一笑飛鴻踏雪那苦憶子其為我

謝羣仙不妨天遊復八極袖中行記真畫圖留
向人間作奇特

題洪崖先生出市圖

洪崖先生任何許支離擁腫之為伍蕭然行李
偶出市束書瓢劍略可數自謂生在三皇前野
鹿標枝何大苦當時但以結繩治書中正復作
何語與馬絡頭亦復來雪精胡為馬紺具只呼
張老無不可面謾三即真戲侮承平無事相娛
嬉力追遐風來湛露一朝恍惚思草昧此意似

已厭繁牒千村萬落荆杞生宛是洪荒一風土
袖中紙驢不吃草拍手還向洪崖去

王維畫孟浩然騎驢圖

窮浩然老摩詰平生交情兩莫逆也曾携去宿
禁中堪笑詩人命奇薄只應寂寞歸日廬此翁
殷勤殊未足作詩借問襄陽老詩中猶苦憶孟
六悠以江漢今幾秋一夕神交如在目分明寫
出騎驢圖風度散朗貌清淑更有儂一片心
不是相知那得貌行復行向何許酸風吹驢耳

卓初向來十上因旅塵驢飢拒地愁向洛不如
乘興且田園萬山亭前大隄曲鯁魚正把甘蔗
美雞黍可具揚梅熟一樽相與壽先生醉歸勿
遣驢失脚

和王寅甫御史遊南山韻

平生愛山苦所足况此對面美冠玉也曾杖屨
極躋攀峭度溪碕轉虛曲徑踏青繭脊上行所
歷漸高山漸束紅亭白塔出湖外下瞰諸峯寺
臣僕祖禪宴坐服生淨法席宏開儼清雨何人

梵唄所僧定劃然透戶如擊筑浮嵐暖翠忽紛
披依、精舍傍修竹至今犹作吽唔声飽食頗
漸空洞腹崎嶇竟日亦已勞應接滿前端為目
道人對境了無羨折脚鐺中煨脫粟小立為爾
起深悟願事掃除甘猶掬崢嶸歲月苦難記三
寸穉杉俄立鵠山中老宿亦向盡訪日無人空
感觸細評道人似豪家臺殿耽、枕岩谷當時
氣象雄一方誰教劫火燒糜竹十年日覩未全
還金錢奔走傾緇俗何山試何所有問一溪清

令嗽寒酥入門使我意也消不省人間有華辱
殆是高人勝士徒山靈咲許茲論萬曠蕩幽深
兩俱勝胡不重游勇奔鹿多病懽娛久去心良
辰美景寧相屬昏々午寤供坐涼跳丸西走白
日速夜來可奈風雨盡力催花亦良酷痛新紅
三萬片園林慘澹餘老木作詩遣愁悲兩吻那
知翻作愁根窟古人真欲焚筆硯苦語殆可書
神笏頗憐阮屐共拙鍛更咲周妻與何肉留連
一物即是礙羨君開襟少頗促愛詩乃復宜相
似句語卓犖光透幅卷還始覺心和平人生有
手莫操牘

送陳正德教諭常熟

此邦自是高陽里陳太丘家好孫子十年閉戶
養雋声我先子後一時起前時送兄今送弟銖
衣拜親、為喜人言昆今而季強羨君清標如
玉峙善和尚有千卷書一、窮探親夜几新詩
那更翻火成便當拾芥取青紫小管甘旨束書
去且煩私淑青衿士天公應念友于情任國相

望旒尺咫蘇州明白照兩縣正好高吟清影裡
吳江定作對床留咲隔垂虹繪鮮鯉托好我已
三世深待老敢當二生待蕭、風雨起送客萬
里飛鴻看隻昔端明老子旧家声一舉先鞭從
此始

揚求仁路教游何道山之明日余始自
洞庭歸恨不與雋遊漫趣韵一咲

君能匝臆過茗水我正絕湖尋橘里人生有彼
會不免先後差池數日耳天教新年暫相見插

手如獲丹與砥畧似德公上冢面徑入就談傾

底裡如聞前月清興發杖藜晚對南山里起蒼
官掀髯自虹舉清沅照影時鵠峙我歸已晚不
得陪脚中平生信有鬼獨番詩卷使我和思枯
預怕搜脂髓小溪深處是何山藏机一句無多
予當時言下詩領會只認泉石為對履至今遺
跡記東坡遂使此山同畏壘擬議周已輸一籌
躋攀孰欲窮寸畧真境不落有無間更使高人
為標指先生醉歸方熟睡凍蠅一任鎖故紙

和顧伯玉陳朝繪

長城大雄古刹裡一庭老拚臂已死依約僅見
左紐紋垂柯布葉乃如此相傳云是陳朝繪欲
論往事皆死鬼水縣雪跨黃塵盡何煩皂莢相
料理只應孤根鉄石堅不怕如壺之赤蠶四旁
那復有生意生意却從中心起陳氏机淺根株
弱雖有子孫何足倚崢嶸霸業隨手壞五傳不
堪重屈指君詩居然多硬語千載興亡雜悲喜
隋唐而來尤可感屣、未教錢與李

寄閻靜齋徐容齋二學士代作

斯人宗工國司命容齋有容靜齋靜海涵岳峙
俱偉人心同道同不同姓向來先后持玉節共
仰福星在吳分一公歸領集仙班一公繼登六
齋禁大名本是宰相取高蹇書帷地步峻尊容
亦是翰林長快掃槐廳消息緊天教兩翁轉洪
鈞赤子到頭合蘓醒東南秀士頗不乏當年著
意極搜引而今造化况在手想見姓名猶見省
石生已起有溫生我愛莫助德恸、苦為百草

憂春而坐待風霜
發若顏

善之人雲
蘭皋置酒小詩紀坐中事

病翁禁酒仍禁脚
不省人間有行樂
主人善景
客善之邀我同來
雞黍約清樽
快吸船落埭
頗悔從前杓杯謝
故人久別如此酒
一時傾倒慙
離索更擘新筵
供春淘孤泉
槐葉未須學
殷勤入鼎資
過熟老饕餐
咨吞不勞嚼
人生難得是合
併開口一咲
良不要呼車載我
雨中歸阿香推
車散飛電
分明戒我輕破戒
故把春衫都濕却

我亦投床作雷吼
無數殘紅枕邊落

倒撐魚船上
灘圖

倒撐漁舫
送上溪
六鷁過飛風
退飛呂梁懸瀑
行越之灑
頽如象人西歸
一咲恬視險與夷
同波委順未必非

趙石心詩

試問吳兒歌小海
何如廣平賦梅花
一片石心
元不死平生不落
徐庾家趙子陳
有曾府雲
根半夜生槎芽
有時盤空吐
哽語更覺世上浮

且夸誰能為燕青藜杖苔莓荒盡天祿與辟邪

贈劉心月

心月還將眼為月秋空表裡俱澄澈閱盡世間
嬉與妍分明無處藏毫髮我方回向心地初含
光自照非外謀平生寂喜阮嗣宗臧否兩字何

曾說

送陳正德長慈湖并叙

陳正德甫本齋端明公之孫資稟穎異而氣象
峻整與其二兄無逸正則相后先克持世業蓋

本齋師蔣寔齋友湯東澗而開之魏崔山真西

山者也師友諸言誦之甚悉以選為慈湖山長

兄無逸取東澗送本齋教授金華詩和之以送

而送者亦皆和焉揚文元自號慈湖在慈溪其

鄉里在樂平其仕國遂有兩慈湖相望千餘里

慈溪之慈湖其在樂平之慈湖否耶不可知也

或謂莫妙乎吾之心之神變化無方俯仰之間

再拊海外安知慈湖之不樂平乎然正德則之

樂平也亦且三月聚糧撰日而戒行乎告行於

嘗所往來問途之出所孰為遠遠乎其既至書
院也亦且一循而進歷階而升堂乎集其學者
正席而登義乎正德曰若是者固知之且慈湖
每舉心之精神是謂聖者語其徒亦未嘗不曰
孝也敬也寔也忠信也誠使學者極高明而道
中庸下學而上達盡心知性而知天其有不至
於聖也乎予深異其言夫義理無窮其是非疑
似不過毫厘之間語去其疑而求其是可也昔
呂成公平亭而議陸氏之學以為勇於求道之

時若不由階序然毫髮之偏不敢安善聽並視
却立回顧不造於至乎至粹之地弗措其語可
念也蓋以是求之焉遂和詩以贈

本齋之孫盛詞華下視流輩十倍過家書雖散
尚千卷其奈儲無搭石何二昆研席相與共勘
辨不遺毫髮訛一朝束書慈湖去慈湖之學自
象按人之高明驚高遠不由梯級斗上坡而其
下者保固陋終歲無路登嵯峨萬形惟寔乃無
弊此道自古傳思軒慈湖論心論無我直意初

不煩鐫磨虛明一語更超絕不肖與人同其波
咲禪宗用心錯我每讀此母麾哦後言日酒諸
老尽獨抱永感如夙痾君家詩友講貫孰持之
以往豈在他我耕我獲粒我腹而彼徒夢笠藁

題哦泉亭

大龍小龍天下絕水簾高掛三千尺呂梁懸水
那復言便應壓倒拙賢峽我來覓水洗隻眼怪
底老崖枯欲裂龍公何處抱寶眠悶蓄精枯未
渠泄誰知水火本無根重陰可以陽氣微倚空

長嘯山為開以虛為感尤烈千山屬晶方江
寒澆乳琮流忽飛發珠璣噴薄雜霏霧瓊瑤傾
瀉濺白日若非捲取銀河來那得变幻在呼吸
者泉涸者無泉時自無而有乃奇特龍公作事
真狡獪吾儕用意亦奇拙經營小立者未了洞
門忽已雲霏濕龍公龍公可以止何如翻手作
飛雲便將豐年報明王蒼生赤子俱函活火雲
六月汗如漿更為渠儂洗炎熱一笑回首謝龍
公神用俱停天地寂

再和楊求仁何道二山韻

雪堂西席雪江水廣文先生是鄉里此翁平生
事崛竒欲上虛空鞭駮耳迩來深藏老鋒鏑未
許容易試越砥掉天光氣尚歷々若為著渠岩
石裡仲華木額郡文學百年功名一日起崢嶸
今不少自取吾道毋乃太孤峙苦將新句調山
靈不遺陳迹蹋死鬼世從貴耳不貴目誰得其
丈兼得髓翰林主人墨客卿會將此事全何子
吾衰正復何所用西錢之錐漫苴履固知梅老
難抵當夜半偏師來研壘襍硯囊筆俱堅坐尔
以不戰淹客畧天地凍合萬木僵軍中頗恠多
墮指春風呼酒為解嚴于部從事賢一紙

律詩五言

和益能靜總管西莊閑居九日見招

風物居然好亭池穩處安上饒初奏景西墜且
追歡朗誦詩千首高眠日幾竿放懷聞益浩乘
興過蕪菴迨局人々喜閑居事々寬扶節差可
強投社亦非難歲月期鯨背功名付鼠肝相將

對壽華一咲拂塵冠紅蕾春猶小黃花晚更寒
摩挲話銅狄惟許崔來覲

張彥清學士以使事來抗訪問忠烈王
子孫蓋其先皆自保定原系寔全廼合
二譜聚族謁廟叙拜厥誼甚古仲寔賦
詩以紀錄寄山中之輒和之

有偉秦咸望厥初保定人風雲際興蓮茅土褒
勲臣端自積慶餘匪徒榮一身開孫藹全譽抗
志矯秋旻嗜學今該古問安昏復晨金方感義

氣內譜存宗親膚使光華盛輜軒來訪頻廼知
清廟器俱是崑山珍分派既同出馳声尤絕倫
仙班重典領宥府久弥綸揭節方宣化揮毫看
爽神應嗟遠俗薄欲挽古人風鉅族同三春高
情隘八垓焚香肅遺像序拜欣嘉辰頗屈彥清
貴寧嬖仲寔貧禘延百年緒翁合一家春樂只
飲此酒勤哉書尔紳尋盟諒愈萬踏道毋胥倫
暫別山河阻終期事業新相從萬里去伐鼓起
通津

和梅君遇退閑

執掌徒勞耳人皆羨子閒
惟甘寄市隱勿苦憶家山
街鼓晨眠穩丹田夜氣還
蕭然無一事意已出屋窠

贈厲白雲上人

雙徑開鐘罷而今但熟眠
事須紅日上身在白雲邊
古貌應違俗高吟不礙禪
爐頭煨芋火相對各欣然

羣羊踏菜畦戲作

活計元堪咲毛羣尚見欺
蹴蔬元匪夢樊柳竟何裨
正爾敢諸葛從何捉左慈
若鞭其后者猶得養生規

次韻八詠樓

八詠樓中景都從筆下收
使君容此客詩卷重於舟
我頗曾三至君應倍四愁
滿湘與章貢千古只同流

贈葉一山

氣岸有如許當年乃鵬冠
覓官談笑易知己古

今雖勝筭如山瘦心堅可歲寒即潛有顏駟博
士却儒酸

題詩禪方丈

切忌犯正位須教截衆流聞鐘應已悟縛律未
為道室小絕容膝詩成自點頭出門忽大咲明
月一天秋

仲寔踐約來訪又得韶甫方君同行教
日語蟬聯甚慰五詩寄意甚高次韻為
一咲

重睫嫌早濕那堪暑雨稠拋書事藥裡歌枕聽
溪流何用摠孤憤惟宜號四休誰能訪生死天
際有來舟

江河去不息合石仰而觀但未隨流轉安能制
汗漫親情人所重友誼古尤難二士俱來意遙
知可歲寒

紅帶承顏日青霄奮翮時猶尋雲弁約宵為水
亭嬉快婿豈嬌客老翁真小兒五噫且勿作舉
按樂齊眉

陽羨長腰未僭州
禿鬢翁相傳作嘉話
好為表遺忠
收搢溪山勝
從容詩酒中南湖
未歸客歲晚
倘來同
平湖好亭子
高出亂雲層
一水作之字
衆山羅
豆登襟懷為尔豁
杯勺尚能勝
却笑鑽故紙
寔中效凍蠅

荅術者

賢關抱多士
子獨抱遺經
衣尚日時褐
眼誰令日青
直須行萬里
未許赴三星
會友誦佳句
等

間生鶴翎

送吳古村入越

笑我甘若隱
因君動越思
綠波元可鑑
縞髮已成絲
共說脩齋老
仍懷閑道時
匆匆還別去
江海入新詩

次韻寄衛山齋

蜀客嗟流落
甘為學圃蓬
年華空自老
心事復誰知
未有盍簪日
還須上冢時
諸餘何足論
相對但期

送周東甫教授餘干并叙

大學賢士之閑異時英雋如林冠蓋如雲跡功名富貴可立致一旦高舉遠蹈携書入山林惟恐其不深且密也蓋久之而後稍一出為時用何進之難耶然沉落顛頓之餘尤為人所愛重譬如珠玉犀象之珍要未易煨歷之也吳興周君東甫以前太學諸生教授饒之餘干州人皆謂此未足以處東甫也東甫笑曰曩使吾幸而久於太學或四三年或五六年又甚者十餘年

以得一第而又幸在前列法得為學官須次且數年幸而得至其官豈有異今日之為哉而何所冀淹速喜嘆於其間迺亟裝為行予聞而壯之以東甫辨博而又通敏而能何適不宜况博士非冗官可行其志餘干非陋邦可施其教行矣東甫久鬱者其發必大其進孰禦予姑自愛重敬脩其可願以俟其遠者大者焉是邦自忠定公以及近世之諸賢諸言遺烈尚有存者詩云高山仰止景行行敢以是為贈言詩曰

博士廣文館選君二十年新邦重于越舊俗記
諸賢謂古心擗擗峯峯鷓首南風至舉比右席專暮
年尤惜別搔首意悽然

和雨中

但聽四簷滴真成萬事休空村就誰飯高樹繫
吾舟那忍田翁咲還憐木偶流老人渾忘事畧

記酉年秋

薄宦亦良苦救圻泥濺裘陳紅猶不足太白幾
曾浮賴有兩詩好聊寬一日憂天公應念此未

用祝篝旣

水村圖

山色濃還淡孤村水遶之俗塵非不到野老任
偏宜碕岸踈、柳茅簷短、籬小舟欹仄過便
是少陵詩

陵陽先生集卷之三終

陵陽先生集卷之四

年 獻 獻之男應復編

律詩七言

勸農日漫成

白髮紅顏烏帽翁
年來從爾覓年豐
爭看漢詔來身畔
便覺幽詩在眼中
且喜畦秧三日雨
莫愁花信幾番風
我今亦是墮游者
不稼而禾媿食功

景定甲子理宗嘗以顏曾傳道配饗下

問詞臣越咸淳丁卯時以曾子子思并
侑孔庭蓋推本先意也先臣所被宸筆
藏私室會軍學撤日廟崇新閣願得摹
刻其上而某固未敢也府教張君遂詩
以成之後之觀者將有考於斯文謹用

韻以謝

在昔前朝帝問頌龍樓當日正承顏曾思參侑
褒崇后堯舜相傳密勿間通駿光猷昭若日於
皇吾道重於山老臣獨抱烏號痛不及臨雍扈

從班

藻有嘉魚首自頌師儒樂育士權顏宸奎恍若
從天下傑閣崇成不日間要識道原觀泮水坐
今文物盛熙山熙明殿下槐龍舞便合歸陪講
讀班

荷花辱於淫邪陷於老佛幾千載自託
根濼溪而后始得以其中通外直者儕
於道而近世崔魏山又推本周子之意
取澤陂之詩所謂碩大且儼者歸之君

予為明倫堂后新池驟著華教授遂見
之詩且有取於周子香遠之句寄興遠
矣因次韵

道中何物不生、頃刻能開碧玉蓮根脚好時
花發越源頭活處水漪漣喚醒伏土從前夢細
鐸陳詩最後篇霽月光風真洒落千年此意後
誰傳

和張教雨詩

占雲日、問何如物意焦卷重可吁微洒人皆

憂未濟積成我自媿中孚滂沱幸已符先兆
程行看獲上腴此事相關情正切吾儕初豈事
誇詖

試院和李提管韵

聖世旁搜盛武宣幾人舍未歎胼胝武成宜取
二三策稽古還誇教萬言元棟此時唯怒後着
鞭它日竟誰先空筌相對真堪笑半夜魚龍已
變遷怒字宜改恐字

無黨為東岡賦遠游余病卧空山開而

壯之和韻為別

鬢綠梅雪兩鬢底事征車人指南自是會游
習蛇龜不妨小住話魚蚕捺怯中歲情良苦兼
來平生分所甘若有書來訪生死白雲多處是
吾庵

次韻無黨留別

濤波萬木撼新秋却咲茅廬似葉舟我但蕭疎
眠頰尾君方矍鑠向壺頭早涼已喜無殘暑老
別當須似壯遊黃木扶胥最奇處想番旬子待

浮洲

和劉朔齋海棠

人物當今第一流以花為屋玉為舟晚妝未許
寒幃看夜醉何妨秉燭游錦里宣華思旧夢黃
州定慧起新愁何如歸伴徐公飲穩結一巢花
上頭

和善之寄游何道二山

行盡千峯日未晡齋餘折檻喚紅魚百梁扶棟
神翰巧一鐸鳴簷樂出虛那得詩情陪島可但

誇山色勝衡廬老禪跌坐渾無語案上旁行幾
葉書

兩人相對說蠶叢蒿櫓堪嗟滿故宮忽見畫圖
如雪外不知身世此山中餘生總寓一狔米獨
徃殊欣六尺蓬寄得詩來何處覓南湖蒲稗沒
鳧翁

送李仲賓同知

一別丰儀十載間新春再見為開顏雞林傳去
詩如錦龍節歸來鬢未班白日絲綸端可待平

分風月早須還此行已滿英雄毅同上烟花紫

禁班

七兒應復同客飲櫻桃園摘新歸以遺

親用其詩韻識所感

聞汝相隨入翠微歸時晚色已凄迷櫻桃為喜
筠籠重燕子休嫌茅屋低我老恐妨兒輩樂新
詩欲繼古人題年老自覺摧頽甚送客何妨過
虎溪

尚記當年薦寢園百官分賜荷恩寬帶青絲籠

空餘夢搔白頭人苦不歡詩老誇稱作崖蜜野
翁驚看鴻銀盤南山見說紅千樹烏雀兒童任
入闌

次韻王寅甫

共惜餘春賦式微莫教當飯失苗梨行直度
南雲北得一還尋東院西白髮已應隨日長黃
鵬更與盡情啼試哦小雨輕埃句絕勝前村滑
泥

和陳無逸九日

揚鑿設醴卷絲相九日臺頭詠渚鴻宣遠風情
雖曠代淵明霜氣直橫空卧龍自命初非迫戲
馬當時未足雄莫咲東籬太岑寂南山長在醉
醒中

萬事真成一繆悠西風節物苦為酌鴻饑未覺
他鄉遠菊老誰同此日愁已洗眵昏看白眼更
扶衰病費丹頭吟情咲我今何似廢覓寒泉澁
不流

和張老山辭免運司

曾驅海若傲波臣底事年來苦乞身徑為尊鱸
稱退椽要將蓑笠伴玄真流空素月光難掩過
雨青山老更新祇恐未應閑袖手蓋梅鼎鉉止
須人

和李侯九日

自媿羸瓶并在涓頗思時復一中之平生殊少
題糕字今日堪憐對菊時烏帽已新欣得酒白
衣誰似更携詩吳興太守真三絕爛醉輕教玉
笛吹

幾回九日九江酒杖履從容信所之下溪遠尋
觀獲處東籬想見醉眠時今日吳興守猶
記當年已酉詩我亦平生知所慕飄衣袂任
風吹

賀張老山得代

富貴方來本不期湖山逕去豈無辭衆咻直欲
夷為溷一咲姑存劊與譏難辦求田還問舍且
教入務併尋醫幡然強為招延起從此岩阿爛
蕨薇

別趙子昂

粉省星郎蹋曉班暫隨使傳走人間荆州利得
習鑿齒江左今称庾子山君意頗為尊業喜人
情爭羨錦衣還但憐老病匆、別白髮如何更
可刪

送蕭子中

誠齋手摘千岩藁詩律清森近代無仍世科名
香未歇諸孫文采蔚相扶橫經為喜舉比穩覓
句何妨宦骨癯會見蕭生起東海幾年志抱一

時攬

春雪

一冬只辨作嚴寒剪水飛花事竟難閉戶不知
春意動撲窻忽覺雨聲乾頰閑萬事正雲集何
處一蓑如画看但喜畦蔬得蕪醒從今小摘有
餘權

送羅漢臣

向曾平步上仙轡拂袖歸來氣尚豪自有西山
堪拄笏不妨右手且持螯凌雲載酒渾如夢汶

雪回舟也自高顧我餘生復何事閉門三徑近
蓬蒿

過洞庭山書湖中所見

欲談旧事恐悽然誰遣奇观墮我前
鷺陣萬屯湖為黑冰鬚千尺水皆懸
無多風色似天相阿那人家疑地仙
更有一般堪羨處嫩醅綠蟻醉無眠

送趙蘭皋教杭學

一似彭城向穎時重開講席整冠綏
青衿喜得新師範白髮能言旧尹
釐獨冷定應非熱屬眾芳况復異凡
姿不妨且作回翔意直上搏扶亦未
遲

送仲南仲主簿

六客堂前翠竹屏雙谿館下碧麟生
適經此老行吟處可是常行簿領人
吏為祈蠶覓休暇官因祭灶請比隣
也知矮屋難掩滯且與穷山作好春

題用拙齋

栢林園裡任文黨金谷園中石賈塵漫說愚溪
誰當世苦將巧宦目他人何如杜老幽居處一
侶無懷太古民說道書齋名用拙可存吾道樂
吾真

曩在長沙有遺以石山今日物雲散此
石獨以堅頑獨存漁莊為賦九芙蓉之
句遂以歸之目為壺中九華致其悵望
當年持餉自湘東共載尤憐翠色濃莫向壺頭
疑薏苡要從華頂看芙蓉諸郎自是階庭秀此
物聊堪筆硯供却咲仇池無與伴圖中悵望几
奇峯

錢留忠齋丞相并叙

趙清獻公自攬過永嘉曾文清公自越過姑蘇
皆以八十之年就養子舍此東州盛事也大丞
相忠齋留先生視兩公名德同鄉里同壽年同
而東閣府判將之安輿以踵芳躅邦人士日夜
望者余以老門生敢援前比賦小詩贊公之行
咫尺柯山路匪賒人生迎養最堪誇續茶山集

過吳下看戲銖堂求永嘉八袞高齡忻子舍同
御盛事屬公家邦人莫咲門生老日、花間望
小車

予與會孟同遊古心先生之門死生契
濶今見其十年前與仲寔詩帥初既追
和予亦繼焉

擾、人間萬事塵田交無奈白頭新此翁固是
同門友今日真成曠世人千里賞音知絕識九
秋落木見橫陳也休頻把遺篇看說到銅人更

愴神

和虛谷韻簡唐月心

平生自分只虞毗况是而今一擣技江左何人
譚太極洛陽有客賦新詩物情於我真疎矣吾
道非公誰與斯未必梅邊聊索咲微言好與共
參之

餞陳正則學錄長城

本翁十載郡博士司糾官清亦未遲暫屈吳松
湖海氣來看陳檜雪霜安近家聊喜片帆穩速

業當萬里期老我柴扉堪岑寂不妨時寄画溪
詩為

再和虛谷韻

肯隨世事一誇毗得來尋霜雪枝茗曲新添
漁隱話陵陽別論派家詩卜隣已喜同王翰到
處猶能說項斯不是晚來投社去杖藜兀欲
何之

和梅遇二詩

除却壺中日月長不知何處是真常等閒鈇永

自生死從古薰蕕更臭香糞掃袍邊覓鍾呂步
虛曲裡換任涼何當月朗風清夜喚出胎仙舞
一場

行止非人所可為踈慵何事不違時已驚夢裡
鷄鳴早翻咲人間宦到蓬刺曲船回空此興洞
庭飛過拍渠知依然身世溪亭上售用新添五
首詩

高賢儒厚齋使君之令子自昔來雪訪
朋親旧此誼甚古歲辛亥余識厚齋金

陵通守之舍堂陪翔齋劉公飲海棠花
下俛仰四十五年追念悽然

厚德流光報必豐當年齒穉已童奇
蘭芽秀擢孤根內華表驚呼一夢中
宵向陳人論世好絕知新句有家風
海棠花下首鍾蔣說首今人念此翁

和王梅泉黃靜齋載酒問花

逃瘴形容兀似搓誰尋獨樹老夫家
高人早擅無雙譽佳客爭看第一花
已為義尊成酌酌更

誇信筆寫葩華班爛小草真兒戲
得借餘光亦所嘉

吾五十年間未嘗一杯自壽汝曹所知
者今乃力營甘旨為七袞慶事出創見
欲深避去又不可使汝曹它日懊恨復
如吾者小詩答勤渠意丙申正月十五
日示諸兒

七十新年未盡窮香醪滿泛饌尤豐
便同五鼎為吾養汝有雙親勝廼翁
一念自能通造物諸

孫更與振家風華燈壁月今何夕春在親情笑
語中

十六日謝郡官兩學及鄉友

七袞空餘永感情南園養病閉柴荆一朝破戒
為兒子四坐合并來友情地主每能容柯拚天
公特為放新情餘年得此今多幸白髮傾敬一
醉成

十七日趙子昂益能靜及諸親友

兒將白髮共嬉娛取意高軒訪敬廬七袞年齡
同絳縣諸賢詩句過黃初菌芝那解出枯朽冠
蓋便能傾閭里瀾醉休須問生理貧家今有百
車渠

送揚興府

細語當年別后春驚心寓縣尚吹塵濁醪易費
新豐酒衰俗難逢旧兩人君似伏波當益壯我
幾南斗不能神合并未久忽已去魚鳥蕪葭誰
與隣

大水后得雪

便得飛西又何佳得、來尋貧士家破屋青燈
鏡一黍荒園老樹忽千花酒逢寒夜饒偏貴詩
出窮人倒太誇西月兒書渾未到定應行脚更
天涯

蕭條籬落勝於村還徑人稀早閉門過眼風花
絲一瞥到頭石筍只雙蹲何妨歲惡詩仍好那
笑爐空火自存笑詠車斜微雪事諸君本、又
元

再和

饑年得雪意殊佳天亦終憐田父家是處連雲
畦宿麥一時積水散空花預占餅餌真堪喜若
比瓊瑤未足誇我正坐須求歲趁夜中踏甕喜
無涯
正思覓食繞諸村咄、今朝雪塞門屋角空困
飢雀噪床頭敗絮凍鴟蹲分無醪醑能相熱賴
有符書僅自存堪笑少陵窮不死屨、苦欲問
黎元

三用韻

雪中何處不欣佳，却似偏尋困約家。
老病尚應餘菜色，風騷未合到梅花。
負暄擬向田翁覓面，旋時聞兒女誇。
可是年來四不出，此隨冷箸傍南涯。

慚愧長髯市入村，送詩踏凍到衡門。
未愁顧兔千毫秃，持首陽烏三足蹲。
我亦欲尋安道去，人應共恠阿先存。
界天雪嶺依然白，更憶當年李仲元。

四用韻

眠食于人苦未佳，從來逆旅便回家。
四時長是餅無粟，一夜偶然燈有花。
雪夜又寒誰復料，物中惟老不堪誇。
卷書危坐時相望，不覺西南各一涯。

五十年前三尺雪，匆匆快柁下荆門。
坐驚荏苒吳楓換，長憶輪茵蜀芋蹲。
覆局還加一日事，劫灰能有幾人存。
新詩讀罷令人感，轉首看天又歲元。

道士號庭梅為賦此

苦把庭梅劣野梅
庭梅元是野梅來
宜辭台鼎當年貴
直向丹田向景開
山意濃時還耐看
道根孤處更深培
玄机叅透何分別
猛拍闌干一笑面

送張劄甫廣德學正

桐川處尺路平寬
華檄春風白髮惟
教有兼全三者樂
起居頻報四時安
的傳何况自話老
謂寔齋本齋遠業
豈徒榮一官從此
江東有新句寄來
應對暮雲看

十一月朔冬至

魯僖再閏孰為偏
五載之終似遠然
辛亥徒為章首歲
上元直在大初年
是年上元甲子朔旦
始正周正秦正未
從元凱叩長歷且
學少陵吟短篇一
線閒愁隨日長
形容空老此江邊

餞余好問入燕

炎敲漸已轉涼颺
想見湖亭送別時
發軔功名初得意
聯鑣賓主總能詩
昔人猶自荐佳客
今日何憂乏已知
最是人生急三釜
高堂白髮數

歸期

和徐容齋正旦

想元新年試筆時
風流應不減
立遲歸來燕子
元相識落盡桃花
若未知何事
蘭亭修禊樂便
懷墨客感秋悲
湖山勝踐無由共
禪榻茶烟老
鬢絲

和趙景程提舉見招

高標照我髮
星一尺條邊一寸莖
樽自不空
如此海客非可飲
似公榮四筵驚起
聞豪唱五

斗揅教解宿醒
何事詩筒來較晚
且容湯粥煮

揅羹

再用前韻
蓋坐上有九老
鋪障

者英國障爛如星
勝似屏風
映紫莖
洛社便如
同此樂商顏
未必采其榮
戴花劉九
徒歌舞當
局温公豈醉醒
試問諸賢
間得否
熙豐一鼎沸
於羹

次本齋韻

七十八春華髮老
幹龍文鼎力猶堪
品題人物

多成傳管領溪山盡
銜了不安排方是適本
無全缺又何慚誇傳折國睢陽冠
字新詩路

枕函

怪底膺門稚子歡倒衣迎拜病猶堪喜看詩卷
牛腰大慚說踏車鴉尾銜風誼薄雲誰得似雲
泥被逕我增慙新年精力知強健酌荅端能日
百函

能靜十月海棠花下飲唐同知適至因
言昔在漢中十月海棠亦開用韵

貳車曾上漢中臺十月海棠無數開
萬里相逢曾識面
雙眇掃足更博杯
高情共昔燕交暈
歸夢還思灑
頤堆客去主人應
卜夜不妨喚取燭
籠來

和除日聞鵲

門前車馬氣如雲
鵲噪驚猜意甚
馴別歲風光
從草、報人消息喜頻、
當家金印君先得
明日椒盤我自親
共樂高堂稱
壽安與迎春趣

送鄧善之

尺一俄聞有急徵風雲奮迅有南溟正如蜀客
懷鉛筆未羨鴻都寫石經此事惟須一良卦今
朝頓見兩文星憤滯安畔傳書去人在金坡白
玉局

送人赴宜興教授

摧喚沙棠港口船門前龍象舞初筵養親始願
家良近事道中年志愈難谷一新吾禮樂高
賢多羨此山川不妨且為坡翁任却上玉堂陪

衆仙

陵陽先生集卷之四終

陵陽先生集卷之五

年

獻

獻之男應復編

律詩七言

次韻李千秋中秋節

節物詩情總索然漫將梨棗當盤筵堪憐永夜
空尊月記取衰翁斲酒年十日尚留花影在兩
瓶便作竹根眠分明破戒緣佳句免使兒童誚

禁煙

癸卯人日送李千秋還杭

喜聞畫初回棹便撥共公吟過春何事客鄉
還送客今朝人日更愁人風吹杯面梅花老路
轉裙腰草色新只恐西湖留不住重來好為話
疲民

失題

篇章何事等嬉游尚想揮毫剪燭秋從古殺青
徒自苦只今醉墨可能求忽傳鸞立沙頭白又
見鴻歸天外洲撲研去來須猛省不由自己更
誰由

歲在丙辰元日立春是時先人守當塗

郡齋賓客雲集皆用元祐八年東坡和

王仲至秦少游詩故事所謂省事天公

厭雨回先人咲曰天公省事今乃多事

耶今三十九年矣追念慷慨小詩聊記

當時咲談之語

一昨姑溪歲丙辰老仙元日去班春當家句子

頻催客省事天公却咲人紫鳳天涯今已老泥

牛歲首又還新咲談誰記當時女獨立東風倍

愴神

和任東津山長

吳興學法偏諸華吾道元無適與遐今日誰能
下馬古人猶自酌先花骨開燕豆驚流俗共
喜摹比得當家入手新詩惟重拜頽頽那得並
飛霞

和汴教取律伯明

翩然來自奮京華歷數山河不謂遐往事已空
惟重黍玄談未了更澆茶南游句好俄驚坐東

道情深未憶家也欲衛州門外去一聲長嘯入

烟霞

新城羅氏棟華堂

中和偶向此枝聚友愛當知吾意同十世共居
尤盛事一家三代自春風試看華鄂相扶處正
在閨門載翁中昭諫而來名節偉更添新記與
無窮

寄昌化孫梅泉

揮手秦稽信宿然未行俄已兩周天雲緘尺素

歡開後雪輓雙溪恐陸前高誼誰能似孫宰日
題應復記蘓仙何時布襪青鞵去摘野芳苗古
寺邊

文性之惠給剡綠橘

二瓊胥會到柴閑詩為高情趁早還海上便如
逢若士橋中應不減商山可入風味知渠雋老
我形容有許頑快臂黃包烹紫殼為君呼酒一

開顏

送李雲在學錄

橫經之暇即吟詩三載如常匪激隨聽雨不知
官獨冷看雲自與竟俱遲羣飛翬宇生新歌鶴
立儒衣動去思還恐西湖難久滯此声梁楚已
先馳

次韵九日寄史推

弁有山兮水有湄登臨舍此復何之髮疎帽脫
狂嘲后雁過江涵感慨時盛府主賓俱好事滿
城風雨苦吟詩人生自可行樂耳劍首功名但
一吹

次韻寄史彥明

等閒音盡弁衡毗旁郡聊頌奉檄馳候管乍披
新定志郵筒忽見故人詩君方清絕行明鏡我
正摧頽捃搗枝為喜銖衣還膝下椒拌趁得頌

花時

答米芾林見寄

天目羣仙帝所毘別來引領但神馳分明輪輿
蒨山老活脫吟成玉局詩論日驚心幾甲子扶
羸咲覓一筇枝如公再合幡然起休戀春山筭

蕨肥

次韻李侯喜雨

誰似當年召信臣天教來此活疲民水鄉怕旱
相傳古甘澍隨東總足春坐看豐登成樂歲只
將愷悌對神明已聞宣布形歌詠賓主殷勤用
意新

謝李侯枉過

鳴驢窮巷忽相過其奈將迎窘步何每望故郡
身不羽欲賡新句視空磨籃輿端復為公出泥

飲惟應說丑多却是旁觀工指點若為公錦雜
漁蓑

長兄授館於杭每休暇過仲寔家相與
談經析理間則飲酒賦詩為樂今閏秋
十四日會於復軒相視而咲曰好天涼
月即中秋况今歲兩中秋乎迺留飲劇
論夜參半蟬聯不休情愈神穆予聞之
甚喜因為詩寄之

共飲方酣月滿樓劇談無寐露侵裘此宵此景

應難值吾婿亦罕傳情誼渾如同一姓風
流不負兩中秋絕憐老子婆安甚破戒何當太
白浮

和陳無逸木樨

秋旻金氣正高張併作西風一夜涼何處杯中
無白墮如今扇底有黃香自慚老拚如屏禿却
笑春花為蝶狂勝賞清吟兩奇絕吳山橫過即

仙鄉

和仲寔秋興

金飈吹暑頓然清
開早空庭一葉驚
拄頰偏宜對朝爽
揮毫正好賦秋聲
鏡中髯短休煩鑷
壁上弓閒不受榮
志士由來多慷慨
何如百轉聽鶯鳴

黃元靜飲客蒲蓮
海中殊勝絕

扁舟徑入芙蓉國
一笑俱非襍穢人
抵拂柳陰偏障暑
活烹茶背快嘗新
小巾脫去我光醉
大杓取來渠更真
獨嚼數觥詩興發
羨君越樣老精神

次姚子敬韻簡高司丞

西風小立對晴川
冷咲人間自聖顛
使事端因荔枝出
歸期休在菊花前
平生謾說少陵老
終日誰陪上界仙
應是杜中鸕與鸞
詩情比日更依然

王梅泉生日惠詩次韻答之

堪咲衰翁作計狂
又隨荅箸到魚梁
未秋早覺凋蒲柳
已老安能種豫章
誰似讀騷仍飲酒
有時贊易自焚香
梅邊有約君應記
但愧年來久

覆觴

白貴

致飾雖云貴則亨含章內照乃為真離明外附
天光發良止中存道體純玉質未凋虹貫日素
功后繪物生春也應咲我玄猶白不比羔羊已
直人

次韻

大海相環宛一洲浮漚乍起已千秋三千笑向
人間世四癸時尋物外遊我輩安能知許事平

生未若樂斯且開窓翠竹時相對更說諸餘總
繆悠

送程晉輔長和靖

傳家氣脉固深長狹策來登和靖堂南渡金聲
元不泯西菴草色可能荒要知持守為涵養好
把精微重發揚共喜慈闈得甘旨他時遠到未

渠央

趙君寶宣慰別三十五年矣末由再晤
近張倩仲寔轉似西湖詩圖乃知吟嘯

湖山之樂輒為五詩奉

南屏環擁翠雲堆
誰遣精廬特地開
祭酒先生甘隱遯
燃藜太乙忽飛來
胸中礪硯五千卷
門外芙蓉十萬栽
白日竟拋妻子去
群仙携手上瑤臺

右南屏書院

橘園庭畔市多塵
麴院橋邊境轉清
山色湖光精舍敞
筆床茶灶釣船輕
奈何一字不堪煮
且與三賢相並行
笑問壽藏何早計
不妨更學趙臺卿

右西湖書院

毅齋大老除

名節尤偏母所尊
曾是傳臚

第一唱却留衣付外
諸孫抱接柳汁初承
溼稱

泛霞觴共拜恩尚記
吾家多夙契何當握手得

重論

右鄭夫人傳

伯子克夫豪傑人
四時佳致四時春
靜能觀動

一机活會復承元子
古淳造物生還化世

情故又新不妨長
向亭中醉自覺冲融氣

味真

右四時春

平生知旧一李及
別後長闌白板扉
偶有客來

孤雀起也無人覺小舟歸儘渠俗子頻相惱只
恐仙禽未肯飛莫笑爨琴并煮雀醉眠林下兩
忘机 右小舟歸

孤雁

如何苦作斷腸聲度盡關山失弟兄萬里它鄉
誰是伴單拙半夜若為情嗚嗚每歎眾人薄落
孤將一意行只恐影沉湘水後更無來者繼

高名

贈陳東洲

散髮披襟頗自由野麋見客忽驚投新詩生怕
將愁至博學何妨與熱遊未說天邊金彈子試
尋城外土饅頭不然且學伯倫醉荷揮相隨死
便休

題陸起潛皆山樓

醉翁朝暮四時景誰遣描摹入此圖喚作皆山
真箇是携來到處與之俱也曾佳客相陪否亦
有清泉可釀無更喜一般僧侶旧高樓百尺俯
塵區

送屠存博教授溧水
直道方心古所難
任渠俗眼笑儒冠
子龍有屋猶黃壤
老鄭無檀漫冷官
一片湖光清客緒
三州鼎足屹詩壇
只應翠麓迎人意
歲月功名正好看

送鄭南俞教諭歸里

試把溪堂旧譜看
三年首藩守酸寒
吟肩祇自初來瘦
遠尾方知細滿難
憂患可能期學力
功名終不誤儒冠
到家莫作多時住
趁取秋風送

羽翰

絕句五言

賈節菴冒畏景越脩塗
過我茗雪情誼甚厚
令聞古或無思大節
不可復見而骨肉消息
訪問難真相對殆感慨
不能為懷青燈夜語誦
少陵夜闌更秉燭相
對如夢寐之句意甚
惘然其歸也見曹
以此為韵賦詩道別
余亦作烏衣老拙
惡姑寫我懷且以下
後期云尔

君留劍水得我卧弁峯下十書九不到思君無

日夜

一朝忽在眼喜極生悲酸老淚如撒菽淚盡氣

亦闌

事故不可料柯爛棊局更兩家骨肉內往隔

死生

英、君令弟介烈成所秉就死得處所我意後

何恨

吾女去二穉何處吞声哭忠孝果何辜神理諒

未燭

君能為置後此意不可忘曉、時頭骨正好玉

其相

自言勤教督燈火與之對泉明定不孤門戶期

汝大

我為飢寒困坐遣義恩疎君固不忘我、愧當

何如

連宵接軟語共說夢中夢聚行共未多掃驂忽

已動

貧賤別尤苦輾轉那得寐
後會尚可期握手三
致意

拂林天馬圖

赤手謝銜轡踏蹴翻九衢
健哉此女子果勝大
丈夫

和漁具十絕

買得五瀉舟江湖落我手
呼兒下箇去此事渠
能了舟

卧吹月明裡龍吟鼉打鼓
別是一家風荻花擺

頭舞苗

披時響蕭騷卧處堆偏仄
傲然烟雨中安有知

睢澤菘

輕圓兀其顛不受暑雨厄
時將蓬外挂旋轉卷

七澤筴

裊不自持何以制沈疇
聊懸一鮐餌鯨鱣未

可狎竿

彼已若其密此猶患其疎
歡呼試新圖一舉雙

白魚網

熒熒枯蟬中急雪洒不減西風明日晴
雙花為儂結燈

呼風忙起魚一片如掌大且等後舡來過湖猶
早在帆

登、遠還合聲從何處起魚走潛深波掬在深
波裡柳

即此是瘦水醉掉舞波面何似宮亭湖為我覓
如願揖

贈薛東湖

抱疴蓬廬下白日背我馳我生已如此天命復
奚疑

悠哉東湖水不迎亦不隨相對淡無言可以樂
我饑

希平初度老友王希宣扁舟遠訪風誼
甚厚既以十詩寔用陶明采菊東籬下
語五章云每歲思親不持竿蓼莪幾欲

廢詩雅蓋深知予心者讀之悽然輒尔
和韻

行年似啓期，顏髮日夜改。此身尚我累，橡栗時自來。

古人歌既醉，其中有五福。如何憔悴者，忍飲但餐菊。

有酒中可澆，無酒榼自空。但懷停雲友，相望各西東。

九日抱壽酒，時節差沁無。我生秋已老，菊荒而

崩籬

扁舟過寂寞，十詩總騷雅。定是玉弘孫，猶記南

山下

淵明六十三，我已多數秋。未死亦偶然，神仙殊

繆悠

平生遇初度，何曾具盤筵。感君知我意，老淚更

潸然

人至百年內，榮華僅少選。何似雞黍約，歲晚長

相見

堪憐武昌柳，搖落向江潭。虛名竟何益，北斗與

箕南

淵明咏三士海學馬隊間斯道幸不廣石高婉
廬山

方竹杖

此君久不見歲晚伴華顛直節要到底勿論方
與圓

溪邊釣舡

莫出前溪去隨宜下釣鈎風波苦不惡鱸魚滿
船頭

題東李博山園二十韻

是誰按籃染千條萬條碧我欲問東風東風淡

無迹

輪囷肖天巧露對含雨意惟應野老知此是豐

年瑞 瑞雪

雲卧不禁冷誤把岩肩觸翻動若木枝 紅光被

空曲 東壑

落 金彈丸飛鳥不敢下盧橘不到吳楊梅同

過夏 枇杷鳴

行 西曠西暝色蒼然之芒 各歸根我亦生

不出安樂窩

澄然蓄精祐百尺往，深不放寒澗發可以觀

我心寒泐

此處若為閑自來還自去中有無心人不妨相

伴住雲閑

都將千石危化作一林雪盡日無別香五月何

曾熟簷菊林

坐人讀書處皎、霜月爛香景不可假高花在

岩畔梅岩

別來五百歲於焉駐蹕取吳市梅子真解后亦

神遇聚仙

好著在眼前世上少人覺留此不妙傳付與神

仙著仙奕

張敬画眉圖

眉嫵臣罪小君王一笑休明日章臺路便面越

風流

相如撫琴

不負百年心琴中托意深如何渾忘却猶費白

頭吟

猿鹿圖

野鹿
猿鹿
張猿
投兩
臂長
由基
之運
抄每
以終
相忘

胡孫圖

山果
包已
盡之
然兩
噉中
雄雌
自相
命擗
葉老
秋風

陵陽先生集卷第五終

陵陽先生集卷之六

年 獻 獻之男應復編

絕句七言

已已秋七月不雨人心焦然迺午齋
宿致城隍清源渠渡龍君絜山五神予
州宅以禱始至雨洒塵自是間微雨輒
隨閣旱氣轉深苗且乾搗要神弗獲某
憂惧不知所出越癸亥日亭午率郡僚
更由禱于庭未移頃雨大擊為禱呼舞

皆曰神之賜也某既拜既又明日以神
歸念無為神報者乃作送神之詩七章
以修神功且又以祈焉

休、早稻已焦晚稻搖風更可憐枯盡百潦
無一滴老龍何處卷雲眠

幾度看雲眼欲穿不應氣數德閑天去年兵火

今年旱守也於民自寡緣

五神萃止足精神迅發風霆一欠伸能事莫嫌
相迫促門前多少望霓人

老火猶驕氣蘊隆爐香爨罷日方中片雲忽卷

天河落頃刻難名造化功

神祐恭惟及物深中間感應妙精侵要知應處

還為感終始惟當秉一心

眼前物意頗昭蕪未省郊原徧也無更覓洗車

三日雨普教大地活焦枯

龍韉欲駕已多時父老遮留一日遲秋菊寒泉

何以報精勤更寫送神詩

都梁北鄉士多好學有向君敏衡者一

日訪予語甚質氣甚夷禮甚度予心異
之間為予言曰家故沅徙也今所居有
谿寔自沅來乃築室聚其上書以教子
弟因以沅溪書舍名之而其亭則曰無
加蓋其地舊號無加莊以其東上于石
西止于岸南止于路北止于泉也願有
以發之予既為籀右書二顏而向君又
以所謂廣崖者誌予一闕此石傑立千
尺寔峭厲峻削可咲可仰有類乎廣者
頗思一至其處摩挲此石以激衰懦而
未能也乃各為一解以謝焉

書滿精廬芷繞門前流水出於沅夫君自得
漢溪意直向沅認本源者因予寓康廬號漢溪

右沅谿書舍

無加之義復何如解盡當年太極圖朱子曰太極者猶曰太
舉天下之至極八面四方都恰匝更於止善用

工夫右無加亭

廣崖千仞孰能千一見令人毛髮寒可以人而

不如石我當為石具衣冠
右廡崖下公入西

予方卧病稅院劉君以畫梅堅索詩口

占遺之

今年四野赤如赭安有吟情到此花
何況病夫空百安只於真寔認根芽

題德範弟三香圖

水僂侑食老逋家更著江南小白花
三雅如渠好兄弟衆芳未許以肩差

次韻洪帥喜雨

礮車亭午作雲頭喜雨亭前黍稷秋
但得人間

甌窵滿等閒萬慮一時收

感乎妙處捷風雷造化於人豈遠哉
見說商霖

一尺字內前車馬待公來

遊高園用前韻

蟬聲緊喚客回頭依約疎僚去
後秋不是先生

新句子一川雲錦費勾收

儘渠絃索輓春雷相對清風君子哉
京觀主人

歸未得不妨却許蜀人來

和本齋亡酒

白家老瓦慣從游和氣如春不汝鄰近日更難
嫌外酒夢成噪吻吸青丘
羨渠痛飲日亡何一石如髡亦未多麴米春濃
禁不徹酒腸咲我本無它

聞公久矣空諸妄山酒真成一事無旧說蜜殊
惟飲蜜不妨試候小風爐

生憎市酒赤如霞難效當年老阿嘉一任花前
殺風景破除旧賜小龍茶

酒名真一妙形容方法傳來玉局翁搖動天關
出瓊液澄然不比小槽翁

病餘井臼不任勞欲飲無錢可是高一咲猶堪
推空腹少陵詩裡學樵糟

送程茂叔

天涯忽送非常喜阿囡班衣即罷前話盡青燈
十年事床頭周易故依然

真成有子萬事足何况人生七十稀莫道梅花
憑五嶺頭輕月朗去如飛

贈羅竹山術者

此君乃官與人事辨舌生風有竹山何似竹林
唯痛飲嗒然滅石兩息間

魚須翠碧俱拋却重糶今居卜隱中門外有來
能握粟為渠滿意說年豐

鞞紵紙帳船陸袖褶地炊煨芋供此是人間
真富貴莫將輕易許渠僕

和陳無逸中秋風雨
身似浮槎何足絆家同墮甌不須看拄杖白髮

三千丈可奈青泥八百盤
病攻我劇声摩壘月避人深日脉糠一盞濁醪
如許障諸餘不用苦思量

錢高仁鄉農丞奉使還北

常平旧法最為良頗記中丞取壽昌此意推行
在人耳官教豐歉制低昂

好農使者慣經常歸路西風水國凉但使人皆

歌美稷故應此即是甘棠

別來五度見重陽草一賓朋共此觴聽得酒邊

新句子可人風味故難忘

裝輕路穩好蕙程還向鷓班侶雋英自葉流根

誰識此老農摩腹送餘生

舜舉水仙梅五絕

橫出一枝誰與並整青葱珮立多時窓明几淨

好風日移向此中渠不知

檀暈金杯兩檀奇晚風併作一香吹此中畢見

同還別付與司南鼻孔知

雪碗冰甌薦茗時蕭然相與對幽姿一生肝胆

何由俗時有清風披拂之

當代洛翁有素評此花雅合喚梅兄玉宸殿上

重差次可是詩人許與輕

老逋久共同梅任好事誰令稍水仙變化侯王

等閑耳不堪持到影香前

舜舉馬

常得吳官剪拂齊也思驥首一長嘶好隨便面

章臺去柳色如煙路不泥

秋江晚渡圖

晚來江上鯉魚風千里青山一望中自是欲歸
人意急等閒付與濟川功

夢會圖并叙

趙堯卿嘗夢東坡野服乘驢訪之顧室中書史
環列喜曰天下之樂無以加此它日又夢因問
水仙王事即答以茫昧語堯卿與斜川游稔而
是時方補註坡詩故心誠所感如此今翰林張
周卿所記澄照德公之事人皆以為異余謂東
坡之精神無往不在而平生喜佛言句流布中

土歷劫不磨豈非澄然素知向慕雖亂離奔走
結習未忘有以得之與一以詩一以禪雖不同
而所感未始不同也樂廣以形神不接而夢為
因東坡為之說曰心依塵而有夢覺之間塵
相授傳數之後失其本矣豈非因乎信斯言
也二會之夢東坡必它有所因使因東坡則數
傳之後不當復為東坡故易有疑于其說然澄
照夢公時年六十有一而其壽至一百有十四
則倍壽之語亦幾矣正甫御史視澄照為同姓

是宜保其圖而登其壽二小詩附下方
覺來猶記旧儀刑跌坐無言月滿庭畢竟是因
還是想不妨重舉夢齋銘
洛僧加滿九十五也向香山画作圖况是東坡
曾囑付壽年多是手中珠

題咸子雲五雲圖

一從鰲去波翻海夢斷蓬萊不可尋當日五雲
依約處有人掩卷自微吟

金南峯隱居圖

高哉千丈屹南端路入層雲欲到難試著幻與
崑石裡人間爭似畫圖看
身在山中不見山却因遠看更屬顏煌煌三秀
如堪采拂石眠雲未擬還

四安道中所見

蒼涼初日破林霏幾度言歸今得歸兀一籃輿
續殘夢門前兒女挽人衣
分明路人茶山去喚起昏一嗜睡翁共笑翁來
已差晚玊芽秀甲老秋風

一溪百折渡復渡盡日如行繆篆中自歎勞生

欲飛去琴高借我赤鯁公

何事區區外謀光五漿先饋豈其當促渠爭場

仍爭席物我而今已兩忘

生怕秋虫稻把稀腰鑿爭出傍晴暉尻高首下

泥中雀啄得黃雲尽歸始

狹路傾欹下澗隈歸并忽帶夕陽來狂遮瞪視

渾無奈憑杖誰人拽鼻回

紛若多岐意轉猜若為誤向此中來平生不作

窮途嘆途若窮時一咲回

依約茅茨傍翠微炊烟孤起半開扉早未趨日

連加開老莢爭風拍板飛

木瓜已過折山來黃帕封林未敢開想見白沙

紅照裡繡磊落見奇瑰木瓜園折入山數里供

埋其半于沙中以紙縷花貼方敢賣土人取瓜

千顆豐融怕日侵楮生調護貴於金直須待折

囊封了方見水霜一片心

薄酒三杯醉不成雨敲疎瓦見微明破衾判作

空塔滴、到乾時也解晴

聽得荒雞第一鳴吹燈發火飯初成衣囊減盡

渾無袂又是蕭、帶雨行

崎嶇踏破布行纏負米担鹽似蟻緣為羨生涯

隨處足五湖鮭菜范公船

人向長安渡口歸長安不見但雲霏只應白鷺

曾相識船到前頭更不飛

可是茅岡太無賴苦要錢足刺船行却聞官路

相將近便覺山與陸頓輕

千山過盡又行脚慚媿道人看客勤累得白雲

欲相贈一甌茶更白於雲

斧斤不貸老根株素節蒼波委路隅憶昨此中

逃午暑前知愧不及先夫

落、長松不計年輪困板幹欲挽天流勝已化

為神物枉損蒼鱗亦可憐

姑溪小隊帶薰風笳鼓誰迎雀髮翁三十九年

成一夢幾多陳迹淚痕中

每羨向平婚嫁了恣遊五岳可曾回也應未斷

塵緣在依旧挑包入浙來

支離病骨倦泥行擬向蓬窓睡到明鏡鬢秋紋

故相惱更求底物是親情

亭、明月無人伴一意孤行天地間憐我扁舟

連夜發肯分清影蒼鷹到

中秋有約竟須歸未到家時月已隨不合盡情

看到晚今宵殺滿兩垂

兒能忍渴留佳醞我亦開包得快梨自咲初無

泥可喜顏然還得醉如泥

歸途擬向城中去論日翻驚人已非張望敬亭

煙雨外平生謾託謝元暉

題羅御史詩

諫草詩篇好護持又吟蜀井竹西詩携將高節

堂前去題作雲蒼也更奇

丘詠涯

聖道洋、陋百家就其淺矣詠其涯直酒辨取

乘槎去未許當年海若誇

月軒

坐欵冰輪吐復吞長風忽為拂霾昏塞開萬里
無纖翳到處人家月滿軒

題擇菴雲山圖

老圓晝裡也藏機雲抹前山凍不飛寸許塔尖
何處寺扁舟臘日訪僧歸

約家性存

春風小語記懷岷二十年中臂屈伸白髮遺民
幾人在重來老雀更精神
蕭條今尚有誰來老尺荒庭一樹梅多謝高情

宵相過冲寒自起掃蒼苔

送李際可婺源學錄

說看瓊臺氣塞胸天教有子慰孤忠春秋為喜

一經在兄弟誰知異姓同

乃祖當年洗日功持書賴有紫陽翁此邦况是

淵源地好玩遺編振緒風

羯鼓圖

春光一曲透霓屏紅錦綉中春不庭誰道青峯
白雨點開元宰相也渠聽

山誓圖

玉殿何勞定等差弟兄俱是老語家
李方也與新名字免得人呼作瑒花

贈東集誨師

飛錫曾開五臺去雲間瑞相是耶非
峨眉清現更奇絕萬里白頭吾未歸

東集何事字無功誨罷應知萬法空
時枕茗溪作歸夢臨平一路藕花風

送戚性傳

睢陽書院戚先生綸也名孫侍從臣
文物相傳今几葉又開海席取來人

送蕭之剡

旬宣幕府得君重宜到千峯盡處回
開道棠陰春更綠不妨依旧入東來

倦書圖

倦書圖

日長偏困校書人袖手旁觀亦欠伸
一覺黑甜酣午枕絕憐識字苦勞神

誰道春酣兩不禁朦朧眼色透雲屏
著人花氣

誰道春酣兩不禁朦朧眼色透雲屏
著人花氣

誰道春酣兩不禁朦朧眼色透雲屏
著人花氣

誰道春酣兩不禁朦朧眼色透雲屏
著人花氣

誰道春酣兩不禁朦朧眼色透雲屏
著人花氣

深于霧却是三郎睡未醒

題高鹿字跡

片紙殷勤贈跋篇來從箕子日朝鮮六經元不

經秦火好為刊傳惠後賢

毘山之居不皆竹也而其所尚友獨在

竹遂擅此山予觀野菊橫陳荆扉半啓

小舟我柳下不覺欣然呼渡徑入萬竹

烟霏中山靈頗怪俗客何自來耶因留

詩云

指點山居阿那邊閉門花木莽風烟隣人不饜

蒼玉束一而今欲造天

山人猶未出山時風月雲烟總為詩笑問年來

間何濶此盟應有此君知

右軍書裙帖

戲將墨妙寫烟雲晚起驚呼失素裙盡洗當年

羞澁態從今不比日羊欣

題四画

天氣融和凍已開桃花浪暖亦佳哉人生辨取

東南尉底用一雙鴻鴻來

多情宛頸兩鴛鴦貪趨湖心錯裡忙散髮幽人

休蕩槳夜深花露濕衣裳

金鷗爭放木天容蘸影清波分外紅玉立前庭

一公子風標不與俗人同

積雪凝寒不肖融梅花佇立待春風嫩波正比

鴨頭綠厚葉林哇雀頂紅

南岳魏監廟曩自請奉祠帖於聲利十

餘年來益閉戶讀書易人罕識之余托

媿且契比來吳惠教五絕萬叙故旧情

誼藹然用韻復寄不足酌盛意

人生一世匆、爾廷帙亡何已旅酌南岳爐頭

竿初熟等閒知閱幾春秋

誰知白雀早登門遺墨猶餘屋漏痕卧友百年

同慧脉固應自有不亡存

全真閉戶魏不琢二犯怡然外世榮留得詩名

皮陸集到君句法有餘情

阿囡離鸞嗟鴈耳誰陪老婦茶餅盃二維幸足

寬懷抱共說河汾有外孫

靜採五一共誰論悔不當初送扣門自咲吾玄

今尚白刻舟空守日時痕

三禽

何處飛來把修竹數吉圓活夢還驚兩鴛那解

知人意寂寞梨花雨又晴

風裡空餘碧玉柯離秋子不勝多莫教却向

人間語金井銀床愁奈何

送恩上人還雲門

當日親曾見珙公如雷辨舌振宗風分明句

字一是又向茗川訪病翁

澈師何事竟遺蹤坐聽雲門寺裡鐘正自年來

苦行脚箇中元自有千峯

挽詩

蜀有古愛直公為令子孫駐原曾婉書治獄輒

平反揭落榮觀尺行徐雅道存靈光洞劫火德

齒晚孤尊

右挽楊知府

翫麟羣飛外康強人表餘者年猶謹禮細字每
抄書十載甘琳館三州奉板輿挂冠天未可雙
犢老康盧全上見說佳眠食遺身疾自無方期操几杖俄已易
床敷久詩書日傳仍娶嫁娶圖湘岑望不到洒
淚向天隅全上

挽師叔理

卓尔見成鏃超然蕩絕塵形骸脫遺幅千高烟
精神正自関天分應難語俗人誰收身後藁雋

逸更新清

已飽憂患味方收翰墨勳龍飛新進士猿臂老
將軍千里摧車軸羣工媿斧斤天乎如有意更

為續斯文

四海東坡老平生秦太虛神遊已冥漠坐念更
款歛手墨看犹濕心期炯未味堪憐疇昔語慶
痛勿驅車

挽趙春谷

墮地追風驥垂天駕海鵬嗟哉中道止藉甚到

今稱凡士待舉火一生甘飲冰居然使昭壽念
此拂人膺

子美轉同各震均懷此都備名千載短多難一
臣孤天意於難料心期自不愉西風吹更急蕭
索閱泉塵

北弁方胥會西崦遽莫追津梁摩詰病臺沼雍
門悲雀有還家夢鳥無反哺期瀧岡松檟近足
慰九原思

挽孫太監

埋玉愁聞薤露歌向來耆艾日消磨平生所至
棠陰在晚歲其如麥奈何洛社竟虛同甲會鑑
湖應改日時波四春手植頰調護萬感今猶憶
爛柯

挽陳本齋尚書

在昔寔齋老公能繼盛名平生守師說晚歲萃
儒榮裡赦原兵禍臺綱忤物情袖身角東去騰
上幾公鄉

天俾公多壽人知道不孤超然一室內不與萬

波俱甲子新詩藁蒸嘗田布福何妨傳遺老文

字照龜跌

有意超塵俗無心愛夕暉
勸餐惟屨却持璧竟全歸
得正復奚憾偷生良所非
傳家孫子盛端不墜前微

挽王厚齋尚書

清要三朝望文章一世榮
掌綸誇獨直荷橐表羣英
石室資殫洽金華賴闡明
孤臣傷暮景風雨自鷄鳴

開慶言容悅咸淳奏直前
每逢時宰怒自保哲人全
垂世三千卷歸田二十年
汾亭有道操獨拍思潸然

文獻遺諸老風霜魯殿餘
斯人不可贖吾道意何如
未念年家好曾聯選部居
無由陪編送東望淚沾裾

挽成我峯

輕舉游唯宅高辭神武門
賜湖分老監遺笏付諸孫
玉映神尤朗丹成道自尊
只應峩頂月萬

里照仙魂

吾叔聯姻好當年記漢嘉回頭一甲子遺恨滿
天涯尚喜長庚老俄聞大耋嗟展、論疇昔何
處挹蜚霞

挽趙正善

自處若素士不知為貴游多閒是每正寡欲更
清修方借望即重已深宗國憂嗟哉事竟尔喬
木委林立
昔日三株樹影容頓可驚一癯危獨坐多難失

孤撐官舍煎茶夢天涯累飯情無由送車後救
淚愧平生

挽親家孟從吾

東野哭其子難存百感身孤孫猶在抱行路亦
沾巾滿目家園樹何時浹葉春諸生為執紼良
足化鄉人

挽岳君舉

五十餘年事都將作夢看早方磨鉢現老遂葵
相摧蟻結塗方盛駒馳歲已闌山前一片石續

者為悲酸

挽姚景春

昔在仙都世人稱善士門丘山歛華屋風雨長
孤根霍瘦空餘影鴻冥更斷魂植齋書萬卷喜
有外孫存

挽趙碧澗母劉氏

苗裔真王後儀刑老監同庭惟參玉樹氣未感
秋蓬衣制先期具舟藏半夜空故應苦懿在位
刻賁幽宮

挽張師道

少日追揚晏由來間氣鍾兩科無迨比萬里有
竒逢正喜鰲扉重俄驚鵬舍凶輅車方遠稅已

見若堂封

在昔台州守先人事分多通家能記憶上冢每
來過老我病未死送君情奈何賢哉幸有子健

翻看雲摩

挽唐學賓

奕世詩書味端知積慶長於人不睦吟為世作

津梁宜助魯修泮能令齊發棠陰功天所相食

報在諸郎

陵陽先生集卷之六



